



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԵՐԱՀՍԿԻՉ ՊԱԼԱՏԻ
ԽՈՐՀՈՒՐԴ

Ո Ր Ո Շ ՈՒ Մ

2012թ. փետրվարի 10-ի թիվ 3/3

ՀՀ ԿԱՌԱՎԱՐՈՒԹՅԱՆՆ ԱՌԸՆԹԵՐ ԱՆՇԱՐԺ ԳՈՒՅՔԻ ԿԱԴԱՍՏՐԻ ՊԵՏԱԿԱՆ
ԿՈՄԻՏԵԻ ԱՇԽԱՏԱԿԱԶՄԻ ՏԱՐԱԾՔԱՅԻՆ ՍՏՈՐԱԲԱԺԱՆՈՒՄՆԵՐԻ
(ԸՆՏՐԱՆՔԱՅԻՆ) ԿՈՂՄԻՑ ԳՈՒՅՔԻ ՆԿԱՏԱՍԱԲ ԻՐԱՎՈՒՆՔՆԵՐԻ ՊԵՏԱԿԱՆ
ԳՐԱՆՑՄԱՆ ԳՈՐԾԸՆԹԱՅԻ ԻՐԱԿԱՆԱՅՄԱՆ ՕՐԻՆԱԿԱՆՈՒԹՅԱՆ ԵՎ
ԱՐԴՅՈՒՆԱՎԵՏՈՒԹՅԱՆ ՆԿԱՏԱՍԱԲ ԻՐԱԿԱՆԱՅՎԱԾ ՎԵՐԱՀՍԿՈՂՈՒԹՅԱՆ
ԱՐԴՅՈՒՆՔՆԵՐԻ ՎԵՐԱԲԵՐՅԱԼ ԸՆԹԱՅԻԿ ՀԱՇՎԵՏՎՈՒԹՅՈՒՆԸ
ՀԱՍՏԱՏԵԼՈՒ ՄԱՍԻՆ

Ղեկավարվելով «Վերահսկիչ պալատի մասին» ՀՀ օրենքի 10-րդ հոդվածի 10-րդ մասի
գ) կետի պահանջով՝ ՀՀ վերահսկիչ պալատի խորհուրդը

Ո Ր Ո Շ ՈՒ Մ Է.

Հաստատել ՀՀ կառավարությանն առընթեր անշարժ գույքի կադաստրի պետական
կոմիտեի աշխատակազմի տարածքային տնօրաբաժանումների (ընտրանքային) կողմից գույքի
նկատմամբ իրավունքների պետական գրանցման գործընթացի իրականացման
օրինականության և արդյունավետության նկատմամբ իրականացված վերահսկողության
արդյունքների վերաբերյալ ընթացիկ հաշվետվությունը՝ համաձայն հավելվածի:

ՀՀ ՎԵՐԱՀՍԿԻՉ ՊԱԼԱՏԻ
ՆԱԽԱԳԱՀ

Ի. ԶԱԽԱՐՅԱՆ



Հավելված

Հաստատվել է ՀՀ ՎՊԴ Խորհրդի

2012թ. փետրվարի 10-ի թիվ 3/3 որոշմամբ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՎԵՐԱՀԱՅԻՉ ՊԱԼԱՏ

ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի տարածքային ստորաբաժանումների (ընտրանքային) կողմից գույքի նկատմամբ իրավունքների պետական գրանցման գործընթացի իրականացման օրինականության և արդյունավետության նկատմամբ վերահսկողության արդյունքների վերաբերյալ

ԸՆԹԱՑԻԿ ՀԱՇՎԵՏՎՈՒԹՅՈՒՆ

Վերահսկողության հիմքը՝ Հայաստանի Հանրապետության վերահսկիչ պալատի 2011 թվականի գործունեության տարեկան ծրագրի 11-րդ կետը, ՀՀ վերահսկիչ պալատի Խորհրդի 2011թ. սեպտեմբերի 28-ի թիվ 25/2 որոշումը:

Վերահսկողության նպատակը՝ ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի տարածքային ստորաբաժանումների (ընտրանքային) կողմից գույքի նկատմամբ իրավունքների պետական գրանցման գործընթացի իրականացման արդյունավետությունը և համապատասխանությունը ՀՀ օրենսդրությանը:

Վերահսկողության առարկան՝ ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի տարածքային ստորաբաժանումների (ընտրանքային) կողմից գույքի նկատմամբ իրավունքների պետական գրանցման գործընթացի իրականացումը:

Վերահսկողության օբյեկտ՝ ՀՀ կառավարությանն առընթեր անշարժ գույքի կադաստրի պետական կոմիտե (այսուհետ՝ Կոմիտե):

Վերահսկողության կատարման ժամկետը՝ 2011թ.-ի հոկտեմբերի 5-ից մինչև 2011թ.-ի դեկտեմբերի 30-ը:

Վերահսկողությունն ընդգրկող ժամանակահատվածը՝ 2009թ.-ի հունվարի 1-ից մինչև 2011թ.-ի հուլիսի 1-ը ներառյալ:

Վերահսկողության ձևը՝ դիտարկում և վերլուծություն:

Վերահսկողության մեթոդաբանությունը՝ Դիտարկման ընթացքում կիրառվել են տարբեր մոտեցումների և սկզբունքների համադրման, համեմատման մեթոդները, կատարվել է մի շարք փաստաթղթերի և տվյալների ուսումնասիրություն: Արդյունքում ամփոփվել են դիտարկման ընթացքում արձանագրված փաստերը:

Վերահսկողության արդյունքները՝

**1. Հավաքագրված եկամուտների և իրականացված ծախսերի
վերաբերյալ**

Կոմիտեի եկամուտների տարեկան առաջադրանքները սահմանվել են յուրաքանչյուր տարվա պետական բյուջեից բխող՝ «ՀՀ պետական բյուջեի կատարումն ապահովող միջոցառումների մասին» ՀՀ կառավարության համապատասխան որոշումներով և 2009-2011թթ. համար զրանք կազմել են համապատասխանաբար 3,912,250.0, 3,746,410.0 և 4,798,125.0 հազ. դրամ: 2011 թվականին եկամուտների գծով ծրագրային ցուցանիշի 28.1%-ով գերազանցումը 2010թ. համանման ցուցանիշի համեմատ բացատրվում է հիմնականում անշարժ գույքի շուկայում որոշակի դրական տեղաշարժերով: Կարելի է փաստել կատարողականների ոչ համաչափ լինելու մասին, որը վերաբերվում է ինչպես ժամանակահատվածներին, այնպես էլ եկամուտների առանձին տեսակներին: Այսպես, եթե 2009 թվականին կատարողականը կազմել է 92.7%, ապա 2010 թվականին արդեն հասել է 125.5%-ի, սակայն 2011թ. կիսամյակի միջանկյալ արդյունքներով եկամուտների կատարման մասով անկում է արձանագրվել՝ կիսամյակի համար նախատեսված 2,487,955.1 հազ. դրամի դիմաց հավաքագրվել են 1,992,728.1 հազ. դրամի մուտքեր, կատարողականը կազմել է 80.1%: Բացի այդ, կատարողականի իրական պատկերն ունենալու համար անհրաժեշտ ենք համարում ապահովել եկամուտների առանձին տեսակների համադրելիությունը: Այսպես, 2010թ. կատարողականում ներառված են Կոմիտեի ծախսերի նկատմամբ եկամուտների գերազանցումից մուտքերը, սակայն պլանային առաջադրանքում նման տեսակի մուտքեր չեն ծրագրավորվել, հետևաբար, 539,586.7 հազ. դրամ գումարով մուտքերն ենթակա են նվազեցման կատարողականից, որի պարագայում կստանանք՝ 4,163,227.4 հազ. դրամ կամ 111.1%:

Արձանագրվել են եկամուտների առանձին տեսակների կատարման տարբեր մակարդակների մասին: Այսպես, ՀՀ պետական բյուջե մուտքագրվող պետական տուրքերի մասով փաստվել է կատարողականի կայուն ցածր մակարդակ՝ 2009, 2010 թվականներին և 2011թ. I կիսամյակում դրանք կազմել են համապատասխանաբար՝ 832,222.3, 898,894.4 և 422,999.7 հազ. դրամ՝ ապահովելով կատարողականի ընդամենը 64.5, 86.3 և 75.8%-ը: Միաժամանակ, Կոմիտեի ստորաբաժանումների կողմից մատուցված ծառայությունների դիմաց վճարների մասով մուտքերը 2009թ. կազմել են 2,653,342.6 հազ. դրամ՝ ապահովելով 103.6%, 2010 թվականին՝ 3,264,333.0 հազ. դրամ կամ 120.7%, իսկ 2011թ. I կիսամյակի տվյալներով կազմել են 1,569,728.4 հազ. դրամ՝ ապահովելով 98.5% կատարողական:

Կոմիտեի տարածքային ստորաբաժանումների կողմից 2009 թվականին պետական տուրքի մասով հավաքագրվել է 809,517.0 հազ. դրամ¹, այդ թվում Երևանում՝ 369,180.0 հազ. դրամ կամ ընդհանուրի 45.6%-ը, մարզերում՝ 407,218.3 հազ. դրամ կամ ընդհանուրի 50.3%-ը, իսկ 33,118.7 հազ. դրամի չափով չպարզված մուտքեր են եղել, որը կազմել է ամբողջի 4.1%-ը:

Ինչ վերաբերում է գրանցման վճարներին, ապա 2010 թվականին դրանք կազմել են 3,264,333.0 հազ. դրամ, որից Երևանում 1,616,909.9 հազ. դրամ կամ ամբողջի 49.5%-ը, մարզերում՝ 1,490,339.5 հազ. դրամ կամ 45.7%-ը, տեղեկատվական կենտրոնը ապահովել է 60,124.6 հազ. դրամի կամ 1.8%-ի եկամուտ, պետական բյուջեից հատկացվել է 82,090.9 հազ. դրամ կամ ամբողջի 2.5%-ը, ինչպես նաև մուտքագրվել է 14,868.1 հազ. դրամի չպարզված գումար, որը կազմել է ամբողջի 0.5%-ը: 2009թ.-ի համեմատությամբ եկամուտների հավաքագրման աճը կազմել է 23.0% կամ 610,990.4 հազ. դրամ: Աճի տեմպը բարձր է եղել Կոտայքի մարզում՝ նախորդ տարվա 288,620.9 հազ. դրամ հավաքագրման դիմաց 2010 թվականին կազմել են 366,875.4 հազ. դրամ կամ աճել են 27.1%-ով:

Ծառայությունների համար գանձվող միջոցների առաջանցիկ աճը, ՀՀ պետական բյուջե գանձվող պետական տուրքի ցուցանիշի համեմատ, հիմնականում բացատրվում է մատուցված ծառայությունների դիմաց գանձված վճարների ավելացմամբ, որոնց դրույքաչափերը սահմանվել են Կոմիտեի նախագահի 23.04.2009թ. «Գույքի նկատմամբ իրավունքների պետական գրանցման և գրանցված իրավունքների և սահմանափակումների վերաբերյալ տեղեկատվության տրամադրման վճարների Ցանկը հաստատելու մասին» թիվ 99-Ն հրամանով: Միաժամանակ, պետական տուրքի դրույքաչափերի ավելացման ուղղությամբ միջոցառումներ չեն ձեռնարկվել:

1.1 Լիցենզավորման գործընթացի վերաբերյալ

Տեղագրական քարտեզագրման ու հողաշինարարական աշխատանքները, անշարժ գույքի գնահատման և ռիելթորական գործունեությունը «Լիցենզավորման մասին» ՀՀ օրենքով համարվել են լիցենզավորման ենթակա գործունեության տեսակներ, իսկ իրականացման նպատակով «Պետական տուրքի մասին» ՀՀ օրենքի 19-րդ հոդվածի համաձայն տարեկան տուրքի՝ համապատասխանաբար 50.0, 150.0 և 50.0 հազ. դրամ գումարով վճարում է նախատեսվել ՀՀ պետական բյուջե:

2010թ. տարեսկզբին գործողության մեջ են գտնվել 325 լիցենզիաներ, տարվա ընթացքում 78 նոր լիցենզիաներ են տրամադրվել, իսկ լիցենզավորման պայմանների խախտման և պետական տուրքը չվճարելու պատճառով դադարեցվել են 36-ը: Պետական տուրքի հաշվարկման և գանձման գործընթացն ուսումնասիրելիս պարզվեց, որ վճարումներն ուշացնելու համար ֆիզիկական և իրավաբանական անձանց նկատմամբ կիրառվել է նաև «Պետական տուրքի մասին» ՀՀ օրենքի 35-րդ հոդվածով սահմանված դրույթը՝ չգանձված պետական տուրքի ժամկետանց յուրաքանչյուր օրվա դիմաց 0.5% տույժի կիրառման

¹ Նշված գումարում չեն ներառվել Լիցենզավորման ենթակա գործունեություն իրականացնելու նպատակով լիցենզիաներ տալու և այլ ծառայություններ և գործողություններ իրականացնելու դիմաց գանձվող պետ. տուրքերը, քանի որ գանձումն իրականացվում է Կոմիտեի կողմից:

վերաբերյալ և սույն ուսումնասիրությամբ ընդգրկված ժամանակահատվածում 770.0 հազ. դրամ տույժի գումար է զանձվել: Ինչ վերաբերվում է լիցենզիաների կասեցման գործընթացին, ապա 2009 և 2010թթ. ընթացքում վերոնշյալ պատճառներով այն կիրառվել է 60 անգամ, որից տեղագրական քարտեզագրման ու հողաշինարարական աշխատանքների՝ 15, անշարժ գույքի գնահատման՝ 11 և ռիելթորական գործունեության համար՝ 34 անգամ: Սակայն, «Պետական տուրքի մասին» ՀՀ օրենքի 6-րդ հոդվածի համաձայն՝ լիցենզիայի, արտոնագրի կամ թույլտվության գործողությունը ՀՀ օրենսդրությամբ սահմանված կարգով կասեցնելու դեպքում հերթական տարեկան պետական տուրքերի գումարները ենթակա են վճարման՝ անկախ գործողության կասեցման հիմքերից և ժամկետներից: Ընդհանուր առմամբ իրավաբանական և ֆիզիկական անձանց թվով 60 լիցենզիաների մասով առկա են 11,200.0 հազ. դրամ գումարով պարտավորություններ, որի շուրջ 41.5%-ը կամ 4,650.0 հազ. դրամը գոյացել է տեղագրական, քարտեզագրման և հողաշինարարական աշխատանքների իրականացման համար տրված լիցենզիաների համար պետական տուրքի գծով առկա պարտավորություններից: «Լիցենզավորման մասին» ՀՀ օրենքում փոփոխություններ և լրացումներ կատարելու մասին» 08.12.10թ. ընդունված ՀՕ-227 ՀՀ օրենքի համաձայն (ուժի մեջ է 01.01.2011թ.-ից), տեղագրական քարտեզագրման ու հողաշինարարական աշխատանքների և ռիելթորական գործունեության իրականացումը հետախու չեն համարվել լիցենզավորման ենթակա գործունեության տեսակներ:

2. Կոմիտեի աշխատակազմի «Դավթաշեն» տարածքային ստորոքաժամանակ կողմից գույքի նկատմամբ իրավունքների պետական գրանցման գործընթացի ՀՀ օրենսդրությանը համապատասխանության վերաբերյալ.

Գրանցման տվյալներով առկա են անհամապատասխանություններ հողամասերի նպատակային նշանակության դասակարգման և գործառնական նշանակության միջև: Մասնավորապես բնակավայրերի հողերում առանց հողամասի նպատակային նշանակության փոփոխության ըստ հողերի գործառնական նշանակության գրանցվել են արտադրական կառուցապատման համար տրամադրված հողամասեր, որը հակասում է ՀՀ հողային օրենսգրքի 8-րդ հոդվածի պահանջներին, այսպես՝

1. Աշտարակի խճ. 45/5 հասցեում գտնվող անշարժ գույքի նկատմամբ Ա. Բաքոյանի սեփականության իրավունքով պատկանող 29.03.11թ. իրավունքի պետական գրանցման վկայականով 2.7903 հա հողամասի նպատակային նշանակությունը արդյունաբերական է, գործառնական նշանակությունը՝ արտադրական կառուցապատման համար: 29.12.2010թ. տրված թիվ 2686246 վկայականով հողամասի նպատակային նշանակությունը եղել է բնակավայրի հող, իսկ շենքերի նպատակային նշանակությունը արտադրական: Նրևանի քաղաքապետի 04.10.10թ. 4572-Ա որոշման համաձայն 18.10.10թ. տրվել է թիվ 3865-2010 գլխավոր հատակագիծը, ըստ որի բնակավայրի հողի նպատակային նշանակությունը փոխվել է արդյունաբերական նշանակության, որը հակասում է ՀՀ «Հողային օրենսգրքի» 7-րդ հոդվածի պահանջներին, հետևաբար չէր կարող հիմք հանդիսանալ իրավունքի պետական գրանցման համար:

2. Արելյան 6 հասցեում գտնվող շենք, շինությունների նկատմամբ «Հանրապետական հաշվողական կենտրոն» ՓԲԸ-ին սեփականության իրավունքով պատկանող 6400քմ հողամասը գրանցված է բնակավայրի հող, գործառնական նշանակությունը՝ «հաշվողական կենտրոնի սպասարկման համար», իսկ շենք-շինությունների օգտագործման նպատակային նշանակությունը՝ արտադրական, որը չի համապատասխանում ՀՀ «Հողային օրենսգրքի» պահանջներին, այն պետք է լինեք հասարակական:
3. Արելյան 6 հասցեում գտնվող շենք, շինությունների նկատմամբ «Հայբուսակ» ՍՊԸ-ին սեփականության իրավունքով պատկանող 973.2 քմ շենքի օգտագործման նպատակային նշանակությունը նշված է արտադրական, սակայն ընկերության կողմից տարածքը փաստացի օգտագործվում է հասարակական նպատակով:
4. Հաղթանակի 46/1 հասցեում գտնվող բենգալցակայանի նկատմամբ գրանցված է «Ագրոնավթարագա» ՊԲԸ սեփականության իրավունքը, ըստ որի 988քմ հողամասի նպատակային նշանակությունը նշված է բնակավայրի, գործառնական նշանակությունը՝ արտադրական կառուցապատման համար, որը չի համապատասխանում ՀՀ «Հողային օրենսգրքի» 8-րդ հոդվածի պահանջներին: Գրանցված 116.6 քմ շենքի գործառնական նշանակությունը նշված է բենգալցակայան, իսկ նպատակային նշանակությունը՝ արտադրական, հասարակական նշանակության փոխարեն:
5. Տիշինայի փողոց թիվ 140 հասցեում գտնվող գազալցակայանի նկատմամբ գրանցված է «Խճաքար» ՍՊԸ սեփականության իրավունքը, ըստ որի 2000քմ հողամասի նպատակային նշանակությունը նշված է բնակավայրի, գործառնական նշանակությունը՝ գազի լիցքավորման կայանի կառուցապատման համար, սակայն 230.7 քմ շենքերի օգտագործման նպատակային նշանակություն հասարակական փոխարեն նշված է արտադրական:
6. Տ. Պետրոսյան թիվ 42/2 հասցեում գտնվող 3 հարկանի 935.6 քմ բնակելի տան նկատմամբ գրանցված է Ա. Ավանյանի սեփականության իրավունքը: Իրականում շենքը չի օգտագործվում որպես՝ բնակելի, շենքից վարձակալության է տրամադրված «Դ-Տեխնոմ» ՓԲԸ-ին՝ 314 քմ: Շենքի գործառնական նշանակությունը բնակելի փոխարեն օգտագործվում է որպես հասարակական:
7. Նորաշեն թաղամասի հ22, հ22/1, հ22/2, հ22/3 և հ22/4 հասցեներում գտնվող շենքերի նկատմամբ գրանցված սեփականության իրավունքի վկայականներում ընդհանուր 957.15 քմ հողամասի նպատակային նշանակությունը նշված է բնակավայրի, գործառնական նշանակությունն՝ արտադրական կառուցապատման համար, որը չի համապատասխանում ՀՀ «Հողային օրենսգրքի» 8-րդ հոդվածի պահանջներին: Ընդհանուր 791.7 քմ մակերեսով շենքերի օգտագործման նպատակային նշանակությունները նշված են արտադրական, իրականում պետք է գրանցված լինեին հասարակական, քանի որ օգտագործվում են որպես խանութներ:
8. Դավթաշեն 4 թ/մ 45/3 հասցեում գտնվող արտադրամասի նկատմամբ 02.09.10թ. գրանցված է Հ. Գլխորյանի սեփականության իրավունքը, ըստ որի 120.87 քմ հողամասի նպատակային նշանակությունը նշված է բնակավայրի, գործառնական նշանակությունը՝ խառը կառուցապատման համար, իսկ 193.3 քմ

շենքի օգտագործման նպատակային նշանակությունն արտադրական, որը հակասում է հողային օրենսգրքի պահանջներին (փաստացի շենքն օգտագործվում է որպես խանութ):

9. Դավթաշեն 3 թաղ. 31/1 հասցեի տարածքի նկատմամբ 13.06.08թ. գրանցված վկայականով, «Լավ սար» ՍՊԸ սեփականության իրավունքով պատկանող 26,605.0 քմ հողամասի նպատակային նշանակությունը բնակավայրի հող է, հողամասի գործառնական նշանակությունը՝ արտադրամասի կառուցապատման համար, որը չի համապատասխանում ՀՀ «Հողային օրենսգրքի» 8-րդ հոդվածի պահանջներին: Հողամասում առկա 5,123.6 քմ շենքերի նպատակային նշանակությունը՝ արտադրական, որը հակասում է ՀՀ «Հողային օրենսգրքի» պահանջներին՝ շենքերի նպատակային նշանակությունը չի համապատասխանում հողամասի նպատակային նշանակությունը: Նշված տարածքում կառուցվել է բազմաֆունկցիոնալ բնակելի 15 հարկանի շենք, որի վերաբերյալ իրավունքի գրանցված տվյալներ չկան: Ըստ Երևանի Դավթաշեն վարչական շրջանի ղեկավարի կողմից, համաձայն «Գույքահարկի մասին» ՀՀ օրենքի և ՀՀ կառավարության 29.05.03թ. Հ680-Ն որոշման համաձայն 17.09.11թ. գրությամբ ներկայացրած ընթացիկ հաշվառման մասին տեղեկություն, ըստ որի 15 հարկանի շենքը կառուցված է ամբողջությամբ, սակայն ստորաբաժանման կողմից առ այսօր չի կատարվել տվյալ շենքի հաշվառում և կադաստրային գնահատում՝ գույքահարկի գանձման նպատակով:

Ըստ ՀՀ հողային օրենսգրքի 8-րդ հոդվածի՝ հողամասի թույլատրված օգտագործումը հողամասի օգտագործումն է դրա նպատակային և գործառնական նշանակությամբ, ներառյալ սահմանված իրավունքները և սահմանափակումները: Օրենսգրքի 7-րդ հոդվածի 7-րդ մասի՝ ընդունված նորմատիվ ակտերով սահմանված հողերի նպատակային և գործառնական նշանակությունն ինքնակամ փոխելը հիմք է՝

- պետական կառավարման և տեղական ինքնակառավարման մարմինների ակտերը, ինչպես նաև դրանց հիման վրա հողամասերի առնչությամբ կնքված գործաքները դատական կարգով անվավեր ճանաչելու համար:
- հողի նկատմամբ իրավունքների պետական գրանցումը մերժելու համար:

Ուսումնասիրությամբ պարզվել է, որ իրավունքի պետական գրանցումն աշխատանքների իրականացման ընթացքում տեղ են գտել մի շարք անհամապատասխանություններ: Այսպես՝

1. «Մայրուղի» ՓԲԸ-ին Եղվարդի խճուղի 2/14 հասցեում գրանցված հողամասից՝ 29.04.02թ.-ից վարձակալությամբ տրամադրված է եղել 3000 քմ: ՀՀ կառավարության 19.05.05թ. թ.734-Ն որոշմամբ «Մայրուղի» ՓԲԸ պետական սեփականություն հանդիսացող բաժնետոմսերն ուղղակի վաճառքի ձևով ներկայացվել է մասնավորեցման ոչ պետական բաժնեմասի սեփականատերերին: Որոշմամբ վարձակալված 3000 քմ հողամասը ներկայացվել է մասնավորեցման վարձակալ «Մայրուղի» ՓԲԸ-ին 49,428.0 հազ. դրամ կադաստրային արժեքով, վճարումների համար սահմանվել է մեկամսյա ժամկետ, սակայն ընկերության կողմից հողամասի արժեքի վճարում չի կատարվել: Երևանի քաղաքապետի 29.02.08թ. որոշմամբ թույլատրվել է ուղղակի վաճառքի ձևով հողամասը գնելու, ընկերության կողմից

վճարումը կատարվել է 04.03.08թ.: 10.03.08թ.-ին կատարվել է անշարժ գույքի իրավունքի պետական գրանցում, ըստ որի գրանցվել է միայն հասարական կառուցապատման 3000 քմ տարածքով հողամասը, թեև հողամասը ծանրաբեռնված է եղել 502.9 քմ շենք-շինություններով, որոնք չափագրված են եղել և արտացոլվել են ուրվագծով, սակայն իրավունքի պետական գրանցում չեն ստացել: Հետագայում շենք-շինություններով ծանրաբեռնված հողամասը 29.05.08թ. բաժանվել է 4 մասի, որոնցից 3 միավորներն օտարվել են կրկին նշվելով որպես դատարկ հող:

2. 18.02.10թ. հ2669818 վկայականով Շ. Մուրադյանի անունով գրանցվել է սեփականության իրավունքը Փիրումյան 4/3 հասցեում գտնվող նորաձևության տան անավարտ շինարարության նկատմամբ, ըստ որի 505.73 քմ հողամասը՝ հասարակական կառուցապատման գործառնական նշանակության, իսկ շենքը՝ 205,7 քմ, մինչև 50% ավարտվածության աստիճանի 2 հարկանի անավարտ շինության: Ուսումնասիրությունը իրականացվել է GOOGL EARTH ծրագրի միջոցով, որի արդյունքում պարզվել է, որ չափագրման արդյունքում գրանցված շինությունը չի համապատասխանում տվյալ ժամանակ առկա շենքի իրական տվյալներին: Այդ ժամանակ կառուցված է եղել 5 հարկանի շենք: Փաստացի շենքը կառուցվել է ինքնակամ, առանց համապատասխան ճարտարապետաճարտագիտական առաջադրանքի: Արդյունքում չի հաշվառվել շենքի իրական վիճակը և խեղաթյուրվել է կադաստրային գնահատումը: Երևանի Դավթաշեն վարչական շրջանի ղեկավարի կողմից համաձայն «Գույքահարկի մասին» ՀՀ օրենքի և ՀՀ կառավարության 29.05.03թ. հ680-Ն որոշման համաձայն 17.09.11թ. գրությամբ ներկայացրած ընթացիկ հաշվառման մասին տեղեկությամբ ներկայացվել է մաս այդ շենքի վերաբերյալ տեղեկատվություն, ըստ որի 5 հարկանի շենքը՝ նպատակային նշանակությունը՝ առևտուր և հասարակական սպասարկման համար, գործառնական նշանակությունը՝ բնակելի, կառուցապատված է ամբողջությամբ, սակայն ստորաբաժանման կողմից առ այսօր չի կատարվել տվյալ շենքի հաշվառում և կադաստրային գնահատում՝ գույքահարկի գանձման նպատակով:

3. Դավթաշեն 4թաղ. 47/2 հասցե շենքի նկատմամբ 10.01.10թ. գրանցված է Ա. Հայրապետյանի սեփականության իրավունքը, ըստ որի գրանցվել է 740 քմ մինչև 80% անավարտ շենք, իրականում շենքը ամբողջությամբ ավարտված էր: Շինարարության քույտվությունը տրված է եղել 24.10.08թ. երկու տարի ժամկետով, սակայն առ այսօր շինարարության ավարտական ակտ չկա:

4. Ա. Միկոյան 109/15 և 109/1 հասցեներում «Արդինպես» ՍՊԸ սեփականության իրավունքով 22.06.09թ. և 15.12.04թ. գրանցվել են 6640.4քմ և 8000քմ հարակից հողամասեր տրամադրված հասարակական կառուցապատման համար: Հողամասերից առաջինը 2009 թվականից, իսկ երկրորդ հողամասը 2005 թվականից կառուցապատված են ինքնակամ շենք-շինություններով, որոնք գրանցված չեն և չեն գնահատվել գույքահարկի բազայով:

5. Դավթաշեն 1թաղ. 61 շենքի դիմաց շուրջ 1500 քմ պարսպապատված հողամասում կառուցվում է 2-հարկանի ինքնակամ շինություն՝ շուրջ 820 քմ մակերեսով, շենքի ավարտվածության աստիճանը 80%-ից ավելի: Նշված ինքնակամ շենքը իր զբաղեցրած տարածքով հաշվառված չէ ինչպես հողի հարկման, այնպես էլ գույքահարկի բազայում:

6. Տ. Պետրոսյան փողոցի վերջնամասում Լ. Շեկոյանին պատկանող «Արալի ամրոց» ռեստորանային համալիրի շարունակությունը՝ 441 քմ հողամասը, որը սեփականության իրավունքով նույնպես պատկանում է Լ. Շեկոյանին, 2009թ.-ից կառուցապատված են ինքնակամ շինություններով, որոնք գրանցված չեն և գույքահարկով չեն հարկվում:

7. Դավթաշեն 4-րդ թաղ. 46/6 հասցեում 29.05.07թ. գրանցվել է Ռ. Հայրապետյանի սեփականության իրավունքը՝ 3182.5 քմ հողամասի նկատմամբ՝ հասարակական կառուցապատման համար: Հողամասը 2009թ. կառուցապատված է ինքնակամ շենք-շինություններով, որոնք գրանցված չեն և չեն գնահատվել գույքահարկի բազայով:

8. Դավթաշեն Ձոր 3 թիվ 1 հասցեում «Վալենսիա» ՀԶ ՍՊԸ անվամբ սեփականության իրավունքով 25.11.02թ. գրանցվել է 10,300.0 քմ հողամաս՝ հասարակական կառուցապատման համար: Հողամասում գրանցված է 217.9քմ տարածքով շենք և 156.9քմ շինություններ, 2005-2007թթ. կառուցվել է ևս 17 քմ ինքնակամ շինություններ, որոնց նկատմամբ իրավունքի պետական գրանցում չի կատարվել և դրանք չեն հաշվառվել գույքահարկի բազայում:

Ստորաբաժանման կողմից Լենինգրադյան 48 շենքի թիվ 126/1 (տաղավար) հասցեում կատարվել է իրավունքի պետական գրանցում, սակայն սահմանված վճարումները կատարվել են պետական գրանցումից հետո: Իրավունքի պետական գրանցման համար դիմումը ընդունվել է 25.02.2010 թ., իսկ սահմանված պետական տուրքը (20000 դր.) և ծառայության վճարը (22290 դր.) վճարվել է 04.03.2010թ.-ին:

Ստորաբաժանման կողմից խախտվել է կոմիտեի նախագահի 01.06.2007 թ. թիվ 6 հրամանը՝ կադաստրային գործերում չեն կարվել ընթացիկ հաշվառմամբ հայտնաբերված ինքնակամ շենք-շինությունների լուսանկարները: Այսպես՝

1) Ջանիբեկյան փողոց թիվ 37/1 հասցեում գրանցվել է բնակելի տուն (գր. 12.03.2010թ. վկ. 2677192): Սեփական հողամասերում ինքնակամ կառուցված 462.7 քմ ընդհանուր մակերեսով թվով 2 բնակելի տների լուսանկարները կադաստրային գործում բացակայում են:

2) Դավթաշեն 4-րդ փողոց թիվ 6 հասցեում գրանցվել է բնակելի տուն (գր. 02.03.2010թ. վկ. 2695757): Սեփական հողամասում ինքնակամ կառուցված 22.8 բնակելի տանը կից կցակառույցի և 3.5զմ պարսպի լուսանկարները կադաստրային գործում բացակայում են:

3) Ջանիբեկյան փողոց թիվ 45/1 հասցեում գրանցվել է բնակելի տուն (գր. 13.08.2010թ. վկ. 2068428): Սեփական հողամասում ինքնակամ կառուցված 52.7քմ բնակելի տանը կից կցակառույցի լուսանկարները կադաստրային գործում բացակայում են:

4) Առաքելյան փողոց թիվ 64 հասցեում գրանցվել է բնակելի տուն (գր. 03.08.2010թ. վկ. 2677301): Սեփական հողամասում ինքնակամ կառուցված 85.1քմ բնակելի տանը կից կցակառույցի լուսանկարները կադաստրային գործում բացակայում են:

5) Վշտունու փողոց 4-րդ նրբ. թիվ 11 հասցեում գրանցվել է բնակելի տուն (գր. 01.09.2010թ. վկ. 2684471): Բնակելի տան ինքնակամ կառուցված մասը 214.0քմ 21.5քմ ընդհանուր մակերեսներով ինքնակամ կառուցված օժանդակ շինանյութերի լուսանկարները կադաստրային գործում բացակայում են:

6) Դավթաշեն 10-րդ փողոց համար 1/3-1/7 հասցեում գրանցվել է բնակելի տուն (գր. 10.12.2010թ. վկ. 2652365): Սեփական հողամասում ինքնակամ կառուցված 139.5քմ ընդհանուր մակերեսով ինքնակամ կառուցված շինանյութերի լուսանկարները կադաստրային գործում բացակայում են:

Որոշ դեպքերում, իրավունքի գրանցման վկայականները կազմվել են ՀՀ կառավարությանն առընթեր գույքի պետական միասնական կադաստրի վարչության պետի 22.07.1998թ. թիվ 135-Կ հրամանով հաստատված մեթոդական ցուցումների պահանջների խախտումներով՝ վկայականներում առկա ներդիրները չեն ստորագրվել և կնքվել: Օրինակ՝

1) Լուկաշինի փողոց թիվ 25 հասցեում գրանցվել է բնակելի տուն (գր. 09.08.2010թ. վկ. 2677381):

Վկայականում առկա 1 թերթ ներդիրը կնքված չէ ստորաբաժանման ղեկավարի կողմից:

2) Ալիխանյան եղբայրների փողոց թիվ 12 հասցեում գրանցվել է վարձակալության իրավունք (գր. 30.04.2010թ. վկ. 2690613): Վկայականում առկա թվով 3 թերթ ներդիրներից 1-ը կնքված և ստորագրված չէ ստորաբաժանման ղեկավարի կողմից:

Որոշ դեպքերում տնամերձ հողամասերում կառուցված ծածկերը դիտարկվել են ինքնակամ շինություններ և վկայականներում գծանշվել են որպես ինքնակամ, մինչդեռ ՀՀ կառավարության 02.02.2002թ. 91 որոշման պահանջների համաձայն անհատական բնակելի տների ներբակային տարածքներում կառուցված ծածկարաններն ընդգրկված են շինարարության թույլտվություն չպահանջող բարեկարգման աշխատանքների ցանկում, այսպես՝

1) Դավթաշեն 7-րդ փողոց թիվ 9ա հասցեում գրանցվել է բնակելի տուն (գր. 17.09.2010թ. վկ. 2681677):

Սեփական հողամասում առկա 19.8քմ և 40.8քմ մակերեսներով ծածկերը դիտարկվել են որպես ինքնակամ և վկայականում շտրիխապատվել:

2) Եղիազարյան փողոց թիվ 26 հասցեում գրանցվել է բնակելի տուն (գր. 12.03.2010թ. վկ. 2677226):

Սեփական հողամասում առկա 10.7քմ մակերեսով ծածկը դիտարկվել է որպես ինքնակամ և վկայականում շտրիխապատվել:

3) Գ. Հակոբյանց փողոց թիվ 43 հասցեում գրանցվել է բնակելի տուն (գր. 02.06.2010թ. վկ. 2689495):

Սեփական հողամասում առկա 10.8քմ մակերեսով ծածկը դիտարկվել է որպես ինքնակամ և վկայականում շտրիխապատվել:

4) Լուկաշինի փողոց թիվ 10 հասցեում գրանցվել է բնակելի տուն (գր. 08.07.2010թ. վկ. 2677165): Սեփական հողամասում առկա 44.1քմ մակերեսով ծածկը դիտարկվել է որպես ինքնակամ և վկայականում շտրիխապատվել:

Արձանագրվել է երկու դեպք, երբ քաղաքային համայնքում կատարվել է իրավունքների պետական գրանցում գրադեցրած հողամասի և դրանում առկա շինության առկայությամբ, որով խախտվել են ՀՀ կառավարության 07.04.2005թ. թիվ 719-Ն որոշման 2-րդ կետի ա/ ենթակետի պահանջները: Այսպես՝

1) Կարապետյան փողոց թիվ 7/1 հասցեում գրանցվել է բնակելի տուն (գր. 10.05.2010թ. վկ. 2688800): Իրավունքի պետական գրանցումը կատարվել է Երևանի քաղաքապետի 06.08.2010թ. «քաղաքացու գույքային իրավունքները վերականգնելու մասին» թիվ 7405-Ն որոշմանը կից թողարկված գլխավոր հատակագծի հիման վրա, սակայն կատարված տեղագնությունից պարզվել է, որ բնակելի տանը կից համայնքային սեփականություն հանդիսացող հողամասի վրա առկա է 24.0քմ կարգավիճակը չորոշված շինություն:

2) Եղվարդի խճ. թիվ 136 հասցեում գրանցվել է հասարակական օբյեկտ (գր. 18.03.2010թ. վկ. 2693709): Իրավունքի պետական գրանցումը կատարվել է քաղաքաշինական փաստաթղթերի հիման վրա: Սակայն կատարված տեղագնությունից պարզվել է, որ շենքին կից առկա է ինքնակամ գրադեցված հողամաս, որի վրա առկա է շինություն (այլուերով հողին ամրացված):

Արձանագրվել են նաև դեպքեր, երբ իրավունքի պետական գրանցումները կատարվել են «Իրավունք հաստատող փաստաթղթերը չպահպանված անհատական բնակելի տների կարգավիճակի մասին» ՀՀ օրենքի 2-րդ հոդվածի պահանջի խախտումով: Այսպես՝

1) Միրաքյան փողոց նրբ. թիվ 19 հասցեում գրանցվել է բնակելի տուն (գր. 02.07.2010թ. վկ. 2690066): Երևանի քաղաքապետի համապատասխան որոշմամբ վերականգնվել է քաղաքացուն սեփականության իրավունքով պատկանող հողամասին կից շուրջ 16.0քմ մակերեսով հողամասի նկատմամբ գույքային իրավունքները, որի վրա ինքնակամ կառուցված շինությունը օրինական գրանցելու փոխարեն դիտարկվել է որպես անօրինական և շտրիխապատվել: Նշված հողամասն առանց ՀՀ «Հողային օրենսգրքի» 60-րդ հոդվածի սահմանված հողամասերի ցանկում գտնվելու վերաբերյալ տեղեկանքի առկայության գրանցվել է վարձակալության իրավունքով:

2) Լենինգրադյան փողոց թիվ 4/2 հասցեում գրանցվել է առևտրի սրահ (գր. 19.11.2010թ. վկ. 2684962): 21.07.2004թ. սեփականության իրավունքով գրանցվել է 218.3քմ առևտրի սրահ և վարձակալության հիմունքով 0.01028 հա հողամաս: Նշված հողամասն առանց ՀՀ «Հողային օրենսգրքի» 60-րդ հոդվածով սահմանված հողամասերի ցանկում գտնվելու վերաբերյալ տեղեկանքի առկայության գրանցվել է վարձակալության իրավունքով:

3) Բաշինջաղյան փողոց 2-րդ նրբ. թիվ. 1/6 հասցեում գրանցվել է ավտոտեխսպասարկման կետ (գր. 30.04.2010թ. վկ. 2690639): 20.07.05թ. սեփականության իրավունքով գրանցվել է 146.2քմ ավտոտեխսպասարկման կետ և վարձակալության իրավունքով 0.01355 հա հողամաս: Նշված հողամասն առանց ՀՀ «Հողային օրենսգրքի» 60-րդ հոդվածով սահմանված հողամասերի ցանկում գտնվելու վերաբերյալ տեղեկանքի առկայության գրանցվել է վարձակալության իրավունքով:

4) Շիրազի փողոց թիվ 28/2 հասցեում գրանցվել է ավտոտեխսպասարկման կետ (գր. 17.09.2010թ. վկ. 2681673): 12.09.05թ. սեփականության իրավունքով գրանցվել է 86.5քմ ավտոտեխսպասարկման կետ և վարձակալության իրավունքով 0.01198 հա հողամաս: Նշված հողամասն առանց ՀՀ «Հողային օրենսգրքի» 60-րդ հոդվածով սահմանված հողամասերի ցանկում գտնվելու վերաբերյալ տեղեկանքի առկայության գրանցվել է վարձակալության իրավունքով:

Արձանագրվել է 2 դեպք, երբ խախտվել է Կոմիտեի նախագահի 12.02.02թ. թիվ 90-Կ հրամանով հաստատված հրահանգի 7-րդ կետի պահանջները, այն է՝ վարձակալության է տրամադրվել շենքի տարածքի մի մասը՝ առանց նախապես փաստացի բաժանման և գրանցման, այսպես՝

1) Դավթաշեն 3-րդ թաղ. թիվ 25/5 հասցեում գրանցվել է առևտրի կենտրոն (գր. 15.12.09թ. վկ. 2676381): Շինության 3-րդ հարկից 1500.0քմ մակերեսով տարածքն առանց սահմանազատվելու 16.12.2010թ. տրվել է ենթավարձակալության:

2) Ֆուչիկի թիվ 30 հասցեում կատարվել է պետական գրանցում (գր.13.05.02թ. վկ. 550083): Գույքից 15.95քմ մակերեսով չսահմանազատված տարածքը առանց նախօրոք բաժանելու և գրանցելու 25.05.2010թ. տրվել է վարձակալության «Օպտիկա» ՍՊԸ-ին, (վկ. 2726786), իսկ 67.9քմ մակերեսով չսահմանազատված տարածքը (որից 18.2քմ ընդհանուր օգտագործման տարածք) առանց նախօրոք բաժանելու և գրանցելու 25.05.2010թ. տրվել է վարձակալության «Կոնտակտ լինգա» ՍՊԸ-ին /վկ.2673414/:

Արձանագրվել է դեպք, երբ առանց իրավահաստատող փաստաթղթերի առկայության ինքնակամ բացված թվով 4 պատուհաններն և թվով 2 դռները դիտարկվել են օրինական և ստացել պետական գրանցում (հասցե՝ Հալաբյան փողոց թիվ 39/1, գր. 15.07.2010թ.,վկ. 2706439):

Խախտվել է Կոմիտեի նախագահի 29.09.2008թ. թիվ 297-Ն հրամանով հաստատված սխալների ուղղման հրահանգի պահանջները, այն է՝ իրավունքի պետական գրանցումից հետո հայտնաբերված սխալը չի ուղղվել և գույքի նկատմամբ կատարվել է գրավի իրավունքի պետական գրանցում,այսպես՝

Վշտունու փողոց 4-րդ նրբ. թիվ 22 հասցեում գրանցվել է բնակելի տուն (գր. 31.05.02թ. վկ. 427660):

27.08.2010թ.-ին դիմում է ներկայացվել ստորաբաժանում միասնական տեղեկանք տրամադրելու համար՝ ներկայացնելով անձնագրի և ամուսնության վկայականի պատճենները, համաձայն որի 1968թ. ամուսնությունից հետո քաղաքացի Գրիգորյանը փոխել է իր ազգանունը և դարձել Ղազարյան: 30.08.2010թ. տրված թիվ 0210061 միասնական տեղեկանքում սեփականատեր նշվել է քաղաքացի Գրիգորյանը: Այնուհետև 09.10.2010թ. կատարվել է գրավի իրավունքի պետական գրանցում /վկ.0219123/, սակայն գրավի իրավունքի վկայականում, որպես գրավատու նշվել է քաղաքացու երկու ազգանունները՝ Գրիգորյան (Ղազարյան):

Որոշ դեպքերով իրավունքի պետական գրանցման ժամանակ սեփականության վկայականներում բաց են թողնվել համասեփականատիրոջ անուն ազգանունը, այսպես՝

1) Միլիկյան թաղամաս 5-րդ փողոց թիվ 15 հասցեում գրանցվել է բնակելի տուն (գր. 10.03.2010թ. վկ. 2694776): Համաձայն 10.10.2005թ. թիվ 2075691 սեփականության իրավունքի վկայականի, գույքի համասեփականատեր են հանդիսանում քաղաքացի Գրիգորյանն ու Կարապետյանը : Այնուհետև, կատարվել է իրավունքի պետական գրանցում և տրամադրվել է սեփականության (2694776) իրավունքի վկայականը, որտեղ սեփականատեր նշված է միայն Գրիգորյանը, իսկ իրավունքի տեսակը՝ համատեղ սեփականություն:

2) Բաշինջաղյան փող. թիվ 142/9 հասցեում գրանցվել է օժանդակ շինություն, (գր. 17.06.2010թ. վկ. 2695823): Նոտարի 11.06.2010թ թիվ 2012 առուվաճառքի և հիփոթեքի պայմանագրի 1.5 կետում նշված է, որ գույքը հանդիսանում է Ա. Եսայանի և Շ. Եսայանի համատեղ սեփականությունը, սակայն սեփականության իրավունքի վկայականում, որպես սեփականատեր, նշված է միայն Ա. Եսայանը: Այնուհետև, գույքը գրավադրվել է և 17.06.2010թ. տրամադրվել է թիվ 0248264 գրավի վկայականը, որտեղ գրավատու հանդիսանում է միայն Ա. Եսայանը:

Որոշ դեպքերով քաղաքացիների կողմից ներկայացված փաստաթղթերի հիման վրա իրավունքների պետական գրանցումը սահմանված կարգով չեն կատարվում և անհիմն մերժվում են , որից հետո առանց որևէ լրացուցիչ փաստաթուղթ ներկայացնելու կատարվում է իրավունքի պետական գրանցում, այսպես՝

1) Դավթաշեն 8-րդ փողոց թիվ 32 հասցեում գրանցվել է բնակելի տուն (գր. 09.08.2010թ. վկ. 2670116): Քաղաքացին 01.03.2010 դիմել է ստորաբաժանում պետական գրանցում կատարելու համար, սակայն մերժվել է հետևյալ պատճառաբանությամբ՝ Երևանի քաղաքապետի որոշմամբ հաստատված գլխավոր հատակագծում «հողամասի կորդինատները չեն համապատասխանում»: Հետագայում 05.08.2010թ. կրկին դիմել է ստորաբաժանում պետական գրանցում կատարելու համար՝ դիմումում

նշելով, որ բոլոր անհրաժեշտ փաստաթղթերը գտնվում են կադաստրային գործում և 09.08.2010թ. ստացել է պետական գրանցում :

2) Պարսեղովի փողոց թիվ 17/2 հասցեում գրանցվել է բնակելի տուն (գր. 02.09.2010թ. վկ. 2684472): Քաղաքացին 25.05.2010թ. դիմել է ստորաբաժանում պետական գրանցում կատարելու համար, որից հետո 27.05.2010թ. տրվել է մերժում՝ «առկա է՝ 6.1 քմ համադրում պետական գրանցում ստացած հասցեի հետ , ինչպես նաև գլխավոր հատակագծում գծային չափերի անհամապատասխանություն հողամասի փաստացի գծային չափերի հետ»: Այնուհետև, քաղաքացին կրկին դիմել է ստորաբաժանում պետական գրանցում կատարելու համար՝ ներկայացնելով նույն գլխավոր հատակագիծը, որում առկա է կոորդինատների չափերի ձեռագիր ուղղումներ, արդյունքում 02.09.2010թ.-ին ստացել է պետական գրանցում :

3) Սիլիկյան թաղամաս 7-րդ փողոց թիվ 52/13 հասցեում գրանցվել է բնակելի տուն (գր. 01.09.2010թ. վկ. 2069850): Քաղաքացին 20.08.2010թ. դիմել է ստորաբաժանում պետական գրանցում կատարելու համար՝ ներկայացնելով Երևանի քաղաքապետի 26.12.09թ. «քաղաքացու գույքային իրավունքները վերականգնելու մասին» թիվ 1008-Ա որոշումը և հողամասի գլխավոր հատակագիծը: 23.08.2010թ.-ին կազմվել է ուրվագիծ, որում նշվել է, որ չափազրվել է 184.83քմ հողամաս և համապատասխանում է գլխավոր հատակագծին : Սակայն 23.08.2010թ.տրվել է մերժում հետևյալ պատճառաբանությամբ՝ «Երևանի քաղաքապետարանի կողմց տրված 26.12.2009թ. թիվ 1008-Ա որոշման գլխավոր հատակագծում տրված հողամասի գծային չափերի դեպքում մակերեսը կազմում է 191.0քմ՝ 184.83քմ-ի փոխարեն»: Այնուհետև, քաղաքացին 29.09.2010թ.-ին դիմել է ստորաբաժանում պետական գրանցելու համար՝ ներկայացնելով հողամասի գլխավոր հատակագիծը և 30.09.2010թ. կազմվել է ուրվագիծ, որում նշվել է, որ նախկին ուրվագծի համեմատ փոփոխություն չկա, արդյունքում 184.83քմ մակերեսով հողամասը ստացել է պետական գրանցում (01.09.2010թ.):

4) Վշտունու փողոց 4-րդ նրբ. թիվ 22 հասցեում գրանցվել է բնակելի տուն (գր. 09.09.2010թ. գրավի վկ. 0219123): Բանկի լիազորված անձը 02.09.2010թ. դիմել է ստորաբաժանում պետական գրանցում կատարելու համար՝ ներկայացնելով լիազորագիր և 01.09.2010թ. թիվ 5753 գրավի իրավունքի պայմանագիր: Սակայն, 06.09.2010թ. թիվ ԱԲ-4754 գրությամբ տրվել է մերժում հետևյալ պատճառաբանությամբ՝ «գրավի պայմանագրից ծագող իրավունքների պետական գրանցման համար անհրաժեշտ է ներկայացնել սեփականության իրավունքով գրանցված հողամասին կից օգտագործվող 1.8քմ ինքնակամ շինության իրավահաստատող փաստաթղթեր»: Այնուհետև, 07.09.2010թ. կրկին դիմում է ներկայացվել ստորաբաժանում պետական գրանցում կատարելու համար, կազմվել է ուրվագիծ, որում նշվել է, որ նախկինում կազմված ուրվագծում (նշվել է որ բնակելի տան 2-րդ

հարկում առկա է ինքնական կառուցված 1.8քմ բաց պատշգամբ) փոփոխություն չկա և 09.09.2010թ. ստացել է պետական գրանցում՝ առանց ինքնականի պատասխան նշումի:

Նորակառույց շենք-շինությունների նկատմամբ իրավունքի գրանցման ժամանակ չի պահանջել 22 կառավարության 26.06.2003թ. 1205-Ն որոշմամբ նախատեսված իրավունքի պետական գրանցման համար հիմք հանդիսացող տեղեկանքը, այսպես՝

Դավթաշեն 8-րդ փողոց թիվ 1/5 հասցեում գրանցվել է բնակելի տուն (գր. 24.06.2010թ. վկ. 2694265): Իրավունքի պետական գրանցման է ներկայացվել օժանդակ շինության կառուցման քաղաքաշինական փաստաթղթերը, սակայն շինարարության շահագործման փաստագրման ակտ չի ներկայացվել և գրանցվել է որպես 80% և ավելի ավարտվածություն:

2.1 Կոմիտեի «Դավթաշեն» տարածքային ստորաբաժանման կողմից իրականացված

գործառույթների ցուցանիշների վերաբերյալ

Ուսումնասիրությամբ ընդգրկված ժամանակահատվածում, այն է՝ 2009 և 2010թթ., 2011թ. 1-ին կիսամյակում, Դավթաշենի տարածքային ստորաբաժանման կողմից գույքի նկատմամբ իրավունքի պետական գրանցում կատարելու նպատակով թվով 16245 գործողություններ են իրականացվել և մատուցվել են ծառայություններ, որոնց դիմաց, «Պետական տուրքի մասին» ՀՀ օրենքի 16-րդ հոդվածի 36-րդ կետով սահմանված դրույքաչափերին համապատասխան, գանձվել է 129,327.8 հազ. դրամ պետական տուրք: Նշենք, որ 2010 թվականին գործողությունների և ծառայությունների քանակը հասել է 6868-ի՝ գերազանցելով նախորդ տարվա ցուցանիշը 477-ով կամ 7.5%-ով, իսկ գանձված պետական տուրքը կազմել է 54,282.8 հազ. դրամ՝ նախորդ տարվա 51,240.0 հազ. դրամի դիմաց կամ աճել է 5.9%-ով: Միաժամանակ, գույքի իրավունքների պետական գրանցման և տեղեկատվության տրամադրման դիմաց վճարները 2010 թվականին գանձվել են 203,019.1 հազ. դրամ գումարով՝ 26.4% աճ ապահովելով նախորդ տարվա 160,658.4 հազ. դրամ ցուցանիշի համեմատ:

Ուսումնասիրությամբ պարզվեց, որ բավարար չեն եղել գույքահարկով հարկման բազայի համալրմանը գույքի հաշվառման ու տեղեկատվությունը այլ մարմիններին տրամադրելուն ուղղված աշխատանքներն:

Համաձայն «Գույքահարկի մասին» ՀՀ օրենքի 4-րդ հոդվածի 8-րդ կետով սահմանված դրույթի, գույքահարկով հարկման օբյեկտ են հանդիսանում, մասնավորապես, սեփականության կամ հոգստագործման իրավունք ունեցող անձանց կողմից այդ հողամասի վրա ինքնակամ կառուցված շենքերը և շինությունները, այդ թվում՝ բազմաբնակարան շենքերում կամ շենքերին կից ինքնակամ կառույցները: Տվյալ օրենքի 8-րդ հոդվածի 2-րդ կետի համաձայն սեփականության իրավունքով պետական գրանցում չստացած հարկվող օբյեկտների համար գույքահարկի գծով հարկային պարտավորությունն առաջանում է անշարժ գույքի կադաստր վարող լիազոր մարմնի կողմից դրանց հաշվառման և գնահատման վերաբերյալ տեղեկությունները գույքահարկ վճարողներին հաշվառող մարմին տրամադրելու ամսվան հաջորդող ամսվա 1-ից:

Նշված օրենքի 14-րդ հոդվածի համաձայն գույքահարկով հարկվող օբյեկտ համարվող շինությունների և դրանց գնահատությունների վերաբերյալ տեղեկությունները գույքի պետական գրանցումը իրականացնող լիազոր մարմինները ներկայացնում են հաշվառող մարմին: Օրենքի տվյալ դրույթին համապատասխան, ՀՀ կառավարությունը 22.05.2003թ. «Գույքահարկով հարկվող օբյեկտ համարվող շենքերի և շինությունների ու դրանց գնահատությունների, ինչպես նաև փոխադրամիջոցների վերաբերյալ տեղեկությունների ներկայացման կարգը սահմանելու մասին» թիվ 641 որոշմամբ համապատասխան կարգ է սահմանել: Դրանում մասնավորապես նշվում է գույքահարկով հարկման օբյեկտ հանդիսացող շենք-շինությունների ու դրանց գնահատությունների վերաբերյալ տեղեկությունները՝ գույքի պետական գրանցում (հաշվառում) իրականացնող լիազոր մարմինների կողմից, գույքահարկ վճարողներին հաշվառող ՀՀ տեղական ինքնակառավարման մարմիններ և համապատասխան հարկային տեսչություններ ներկայացնելու ընթացակարգի մասին:

Նշենք, որ ՀՀ կառավարությունը դեռևս 22.10.1997թ. ընդունած՝ «Անշարժ գույքի պետական միասնական կադաստրի վարման կարգի և անշարժ գույքի համակարգված դիտարկումների (մոնիտորինգ) իրականացման մասին» թիվ 465 որոշմամբ սահմանել է, որ անշարժ գույքի հաշվառումն իրականացնում է ՀՀ կառավարությանն առընթեր անշարժ գույքի կադաստրի պետական կոմիտեն: Նշված որոշմամբ հաստատված է նաև «Անշարժ գույքի համակարգված դիտարկումների իրականացման» կարգը, որի համաձայն մոնիտորինգը պետք է իրականացվի նաև հողերի վրա ամրակայված գույքի նկատմամբ: Կարգի համաձայն դիտարկումների ժամանակ ուսումնասիրվում են, մասնավորապես, անշարժ գույքի գտնվելու վայրը, չափը, դիրքը, համագործակցություն ապահովելով համակարգված դիտարկումներ իրականացնող մարմինների հետ՝ նույնացված կադաստրային փաստաթղթեր և անշարժ գույքի պետական միասնական կադաստրի համար հավաք տվյալներ ապահովելու նպատակով, իսկ դիտարկման արդյունքները ներկայացվում են պետական կառավարման, տեղական ինքնակառավարման մարմիններին: Ավելին, համաձայն Կոմիտեի տարածքային ստորաբաժանումների կանոնադրության, նրանց գործառույթներից է անշարժ գույքի հաշվառումը և գույքահարկի բազա ստեղծելու նպատակով դրանց հետագա կադաստրային գնահատումը, քարտեզների վարումը, դիտարկումների իրականացումը: Նշվածի հիմքով տարածքային ստորաբաժանումը տեղեկատվական բանկ է ձևավորում, որը սրամադրում է նաև պետական և տեղական ինքնակառավարման մարմիններին:

Ուսումնասիրությամբ ընդգրկված «Դավթաշեն» տարածքային ստորաբաժանման կողմից սպասարկվող առանձին բնակավայրերում արձանագրվել են պետական գրանցում չստացած սեփական առանձնատներ, որոնք հիմնականում ունեն 80.0% և ավելի ավարտվածության աստիճան: Մասնավորապես՝

1) Աջափնյակ համայնքի Գ-1 թաղամասում առկա էին 1998-2005 թվականներին աճուրդային կարգով սեփականաշնորված թվով 450 հողատարածքներ, որոնցից 357-ում իրականացվել են կառուցապատման աշխատանքներ: Պետական գրանցում են ստացել միայն 232-ը, իսկ 125-ում կառուցապատման հիմնական աշխատանքները 7-8 տարի առաջ են կատարվել, և ավարտվածության աստիճանը կազմել է 80.0% և ավելի:

2) Սելբումով փողոցին հարող, ինչպես նաև Գ-1 և Գ-2 թաղամասերի միջև գտնվող տարածքում առկա էին 1998-2005 թվականներին աճուրդային կարգով սեփականաշնորված թվով 439 հողատարածքներ, որոնցից 94-ում իրականացվել են կառուցապատման աշխատանքներ: Պետական գրանցում են ստացել միայն 60-ը, իսկ 34-ում կառուցապատման հիմնական աշխատանքները կատարվել են 7-8 տարի առաջ և ավարտվածության աստիճանը կազմել է 80.0% և ավելի:

3) Դավթաշեն համայնքի 3-րդ թաղամասում պետական գրանցում չեն ստացել թվով 4 սեփական բնակելի տներ, որոնց կառուցապատումն ավարտվել է 2007-2008 թվականներին:

4) ՀՀ կառավարության 29.05.2003թ. թիվ 680-Ն որոշմամբ հաստատված կարգի համաձայն, 2011 թվականից Դավթաշեն վարչական շրջանի կողմից ներկայացվել են մեկ տարածքում գտնվող շինությունների ընթացիկ հաշվառման մասին տեղեկությունները, որի արդյունքում ի հայտ են եկել թվով 9 բնակելի տներ, որոնք կառուցապատվել են շուրջ 5 տարի առաջ, պետական գրանցում չեն ստացել և գտնվում են Չոր 1 և Չոր 2 թաղամասերում:

Գույքահարկի բազան ճշտելու նպատակով նշված շրջանակից ընտրվեցին առանձին կառույցներ (բնակելի տներ) և տարածքային ստորաբաժանման պատասխանատու համապատասխան անձի կողմից կատարվեցին դրա նախնական գնահատման աշխատանքները: Մասնավորապես՝

1) Գ-1 թաղամասում գնահատվել են թվով 5 բնակելի տներ, որի արդյունքներով ընդամենը կադաստրային արժեքը կազմել է 96,872.5 հազ. դրամ կամ 1 կառույցի միջին գինը՝ 19,374.5 հազ. դրամ:

2) Չոր-2 թաղամասում գնահատվել են 3 բնակելի տներ, որի արդյունքներով ընդամենը կադաստրային արժեքը կազմել է 73,911.8 հազ. դրամ կամ 1 կառույցի միջին գինը՝ 24,637.3 հազ. դրամ:

3) Սելբումով փ. հարող տարածքում գնահատվել են թվով 3 բնակելի տներ, որի արդյունքներով ընդամենը կադաստրային արժեքը կազմել է 83,964.4 հազ. դրամ կամ 1 կառույցի միջին գինը՝ 27,988.1 հազ. դրամ:

4) 3-րդ թաղամասում գնահատվել են 4 բնակելի տներ, որի արդյունքներով ընդամենը կադաստրային արժեքը կազմել է 66,924.3 հազ. դրամ կամ 1 կառույցի միջին գինը՝ 16,731.1 հազ. դրամ:

5) Դավթաշենում (գյուղ) գնահատվել է 1 բնակելի տուն, ընդամենը կադաստրային արժեքը կազմել է 22,980.7 հազ. դրամ:

Այսպիսով, 1 բնակելի տան միջին արժեքը ընտրանքով ներառված տարածքներում կազմել է 22,342.3 հազ. դրամ $((19,374.5 + 24,637.3 + 27,988.1 + 16,731.1 + 22,980.7) / 5)$, իսկ կառուցապատման միջին ժամկետը՝ 5 տարի: Հաշվի առնելով այն հանգամանքը, որ ներառված տարածքներում ընդհանուր առմամբ պետական գրանցում չեն ստացել թվով 172 բնակելի տներ: Կարելի է արձանագրել, որ գույքահարկի բազայից դուրս է մնացել շուրջ 3,800.0 հազ. դրամ, որից համայնքային բյուջե յուրաքանչյուր տարի կգանձվեր շուրջ 10,000.0 հազ. դրամ:

3. Գեոդեզիայի և հողային պետական տեսչության կողմից 2010թ. իրականացված աշխատանքների

վերաբերյալ

ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի գեոդեզիայի և հողային պետական տեսչության կանոնադրությունը հաստատվել է ՀՀ կառավարության 24.12.2009թ. N1512-Ն որոշմամբ: Կոմիտեի մախագահի 09.02.2010թ. N47-Լ հրամանով հաստատված՝ 2010թ. ՀՀ մարզերում իրականացվող տեսչական ստուգումների ժամանակացույցի համաձայն, կոմիտեի աշխատակազմի գեոդեզիայի և հողային պետական տեսչությունը ստուգումներ են իրականացրել 10 մարզերի 162 գյուղական համայնքներում հողային օրենսդրության պահանջների կատարման, հողամասերն ըստ նպատակային և գործառնական նշանակությամբ օգտագործելու, պետական և համայնքային սեփականություն հանդիսացող հողերի օտարման և օգտագործման տրամադրման նկատմամբ, իսկ ոչ մի քաղաքային համայնքում ստուգում չի իրականացվել:

Ստուգումների արդյունքում ՀՀ «Հողային օրենսգրքի» 43-րդ և 76-րդ հոդվածի՝ ՀՀ կառավարության 12.04.03թ. N286 որոշմամբ հաստատված «Պետական, համայնքային սեփականություն հանդիսացող հողամասերը օտարելու և օգտագործման տրամադրելու» կարգի պահանջների խախտումների վերաբերյալ կազմվել են համապատասխան արձանագրություններ, որով 47 համայնքների ղեկավարներին «Վարչական իրավախախտումների վերաբերյալ» ՀՀ օրենքի 54 և 56.1 հոդվածների համաձայն առաջարկվել է տուգանել վերոգրյալ հոդվածներով սահմանված չափով, ընդհանուր գումարով՝ 5,550.0 հազ. դրամ: «Հողերի օգտագործման ու պահպանման նկատմամբ վերահսկողության մասին» օրենքի 7-րդ հոդվածի 12-րդ մասի 3-րդ կետի պահանջների համաձայն կազմված արձանագրությունների պատճենները համապատասխան գրություններով ներկայացվել են մարզպետներին՝ արձանագրված խախտումների համար համայնքների ղեկավարներին տուգանելու նպատակով: Կադաստրի պետական կոմիտեում բացակայում է տեղեկատվությունը մարզպետարանի կողմից համայնքների ղեկավարներին տուգանելու վերաբերյալ: 2011թ.-ի ստուգումների հաստատված ժամանակացույց չլինելու պատճառով՝ տեսչությունը հողային օրենսդրության պահանջների կատարման, հողամասերն ըստ նպատակային և գործառնական նշանակությամբ օգտագործելու, պետական և համայնքային սեփականություն հանդիսացող հողերի օտարման և օգտագործման տրամադրման նկատմամբ ստուգումներ չի իրականացրել:

4. ՀՀ կառավարությանն առընթեր անշարժ գույքի կադաստրի պետական կոմիտեի ստորորաժամույնների կողմից զբաղեցված տարածքների վերաբերյալ

Անշարժ գույքի կադաստրի պետական կոմիտեի աշխատակազմի «Ճամբարակ» տարածքային ստորաբաժանման և Ճամբարակի քաղաքապետարանի միջև կնքվել է անշարժ գույքի վարձակալության պայմանագիր՝ 28.03.2001թ.-ից մինչև 28.03.2020թ. գործողության ժամկետով: Համաձայն պայմանագրի, քաղաքապետարանից 55.2 մ² տարածքը՝ տարեկան 56.0 հազ. դրամ վարձավճարով, տրվել է «Ճամբարակ» տարածքային ստորաբաժանմանը: 08.11.2010թ.-ին Ֆիզիկական անձին պատկանող 70.02 մ² շինությունը և 84 մ² հողամասը նրա կողմից 7,680.0 հազ. դրամով վաճառվել է կադաստրի պետական կոմիտեին (հասցե՝ Լեռնի նրբ.թիվ 2): Արդյունքում պարզվեց, որ «Ճամբարակ» տարածքային ստորաբաժանումը

գործունեությունն իրականացնում է վարձակալած տարածքում, որի դիմաց վճարվում է սահմանված վարձավճարը, սակայն գնված շինությունն առ այսօր չի օգտագործվում:

Անշարժ գույքի կադաստրի պետական կոմիտեի աշխատակազմի «Ամասիա» տարածքային ստորաբաժանման և Ամասիայի գյուղապետարանի միջև կնքվել է անշարժ գույքի վարձակալության պայմանագիր՝ 01.01.2002թ.-ից մինչև 01.01.2012թ. գործողության ժամկետով: Համաձայն պայմանագրի, քաղաքապետարանից 54.1 մ² տարածքը՝ տարեկան 54.0 հազ. դրամ վարձավճարով, տրվել է «Ամասիա» տարածքային ստորաբաժանմանը: 18.12.2008թ.-ին Ֆիզիկական անձին պատկանող 251 մ² շինությունը և 870 մ² հողամասը նրա կողմից 7,000.0 հազ. դրամով վաճառվել է կադաստրի պետական կոմիտեին (հասցե՝ 25 փողոց, շենք 1/2): Հարկ է նշել, որ 09.03.2010թ.-ից մինչև 09.03.2020թ. գործողության ժամկետով Ամասիայի գյուղապետարանի հետ նորից կնքվել է անշարժ գույքի վարձակալության պայմանագիր, որի համաձայն 102.9 մ² տարածքը՝ տարեկան 247.0 հազ. դրամ վարձավճարով տրվել է ստորաբաժանմանը: Դեռ ավելին՝ սեփական շինություն ունենալու պայմաններում վարձակալած տարածքում 2010թ.-ի ընթացքում կատարվել են 6,846.6 հազ. դրամի ընթացիկ վերանորոգման, գազաֆիկացման և ջեռուցման աշխատանքներ: Արդյունքում պարզվեց, որ «Ամասիա» տարածքային ստորաբաժանումը գործունեությունն իրականացնում է վարձակալած տարածքում, որի դիմաց վճարվում է սահմանված վարձավճարը, սակայն գնված շինությունն առ այսօր չի օգտագործվում:

5. «Գեոդեզիայի և քարտեզագրության կենտրոն» ՊՈԱԿ-ի կողմից քարտեզների ստեղծման և

օդալուսանկարահանման վերաբերյալ

Համաձայն «Գեոդեզիայի և քարտեզագրության կենտրոն» ՊՈԱԿ-ի (այսուհետ՝ ՊՈԱԿ) կողմից ներկայացված տեղեկանքների 2009թ.-ին բյուջետային միջոցների հաշվին 5 ծրագրերով իրականացվել են 379,491.3 հազ. դրամի աշխատանքներ, այդ թվում ՀՀ պետական մասշտաբային շարքի բազային տեղեկագրական քարտեզների ստեղծման և օդալուսանկարահանման աշխատանքներ՝ 229,912.5 հազ. դրամ: Այդ նպատակով ՌԳ-ի արհեստական արբանյակի միջոցով նկարահանվել են ՀՀ Գեղարքունիքի, Սյունիքի մարզերի և ԼՂՀ Շահումյանի, Հաղուրթի և Քաշաթաղի շրջանների տարածքները: Վերը նշված շրջանների առանձին տարածքներում կատարվել է պլանաբարձունքային հիմքի ապահովում, տիեզերալուսանկարների դաշտային վերծանում և քարտեզների քարմացում ու թվայնացում:

2010թ.-ին բյուջետային միջոցների հաշվին ՊՈԱԿ-ի կողմից 4 ծրագրերով իրականացվել են 252,969.0 հազ. դրամի աշխատանքներ, այդ թվում ՀՀ Գեղարքունիքի, Վայոց Ձորի և Սյունիքի մարզերի առանձին տարածքներում իրականացվել են 73,482.9 հազ. դրամի ՀՀ պետական մասշտաբային շարքի բազային տեղեկագրական քարտեզների ստեղծման և օդալուսանկարահանման աշխատանքներ: 252,969.0 հազ. դրամ աշխատանքների դիմաց կազմվել է աշխատանքների ընդունման-հանձնման ակտեր 256,045.0 հազ. դրամի, որն ամբողջությամբ պասսիվիզացվել է կողմից վճարվել է:

2011թ. 1-ին կիսամյակում բյուջետային միջոցների հաշվին ՊՈԱԿ-ի կողմից 3 ծրագրերով իրականացվել են 30,792.6 հազ. դրամի աշխատանքներ, այդ թվում ՀՀ Արարատի մարզի տարածքում կատարվել են պլանաբարձունքային հիմքի ապահովման, տիեզերալուսանկարների դաշտային վերձանման, քարտեզների թարմացման և թվայնացման աշխատանքներ՝ 17,240.0 հազ. դրամ:

2010թ.-ին չկատարած աշխատանքի դիմաց բյուջեից վճարվել է 3,076.0 հազ. դրամ: Նշված փաստն առաջացել է այն պատճառով, որ պետական մասշտաբային շարքի բազային տեղեկագրական քարտեզների թարմացման աշխատանքների համար ՊՈԱԿ-ի և «Ռուսական տիեզերական սարքաշինության գիտահետազոտական ինստիտուտ» Պ/Չ-ի միջև կնքված պայմանագրով 2010թ. 3-րդ եռամսյակի արժանյակային ալեհավաքի սպասարկման վճարը նախատեսվել է 4,176.0 հազ. դրամ, սակայն փաստացին կազմել է շուրջ 1,100.0 հազ. դրամ: ՊՈԱԿ-ի և Կոմիտեի միջև կազմվել են պայմանագրով նախատեսված գումարի չափով կատարած աշխատանքի ընդունման-հանձնման ակտեր, որոնց համաձայն ՊՈԱԿ-ին ամբողջությամբ վճարվել է: Նշվածի վերաբերյալ ՊՈԱԿ-ը 26.01.2011թ. տեղեկացրել է ՀՀ ֆինանսների նախարարությանը և 10.02.2011թ. ստացել է պատասխան գրություն՝ 3,076.0 հազ. դրամը բյուջե փոխանցելու վերաբերյալ, որը սակայն չի կատարվել:

6. ՀՀ կառավարությանն առընթեր անշարժ գույքի կադաստրի պետական կոմիտեի համակարգի կառուցվածքային բարեփոխումների վերաբերյալ

Հայաստանում անշարժ գույքի կադաստրի համակարգի հետագա զարգացման, գործառնությունների իրականացման որակի բարձրացման և համակարգի գործունեության թափանցիկության ապահովման, ինչպես նաև համակարգում կոռուպցիոն ռիսկերի նվազեցման ու քաղաքացիների և իրավաբանական անձանց սպասարկման որակի բարձրացման նպատակով ՀՀ կառավարությունը նախաձեռնել է անշարժ գույքի կադաստրի համակարգում արձատական բարեփոխումների իրականացման գործընթաց: Բարեփոխումների հիմնական նպատակը և արդյունքը պետք է հանդիսանա համակարգի զարգացմանը խոչընդոտող գործոնների վերացումը և արդիական, զարգացող տեղեկատվական տեխնոլոգիաների կիրառման համակարգի ձևավորման համար համապատասխան իրավական և ինստիտուցիոնալ հիմքերի ձևավորումը:

Արդյունքում փոփոխության է ենթարկվել ոլորտը կարգավորող ՀՀ օրենսդրությունը, ինչպես նաև ՀՀ կառավարության 27 հոկտեմբերի 2011թ. թիվ 1533-Ն որոշմամբ կատարվել է փոփոխություններ և լրացումներ ՀՀ կառավարության 2002 թվականի նոյեմբերի 28-ի «ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմ» պետական կառավարչական հիմնարկ ստեղծելու, ՀՀ կառավարությանն առընթեր անշարժ գույքի կադաստրի պետական կոմիտեի կանոնադրությունը և աշխատակազմի կառուցվածքը, գույքի կազմը և չափը հաստատելու մասին» թիվ 1930-Ն որոշման մեջ:

Եզրակացություն

- Գրանցման տվյալներով առկա են որոշ անհամապատասխանություններ հողամասերի նպատակային նշանակության դասակարգման և գործառնական նշանակության միջև: Մասնավորապես, բնակավայրերի հողերում առանց հողամասի նպատակային նշանակության փոփոխության, ըստ հողերի գործառնական նշանակության, գրանցվել են արտադրական կառուցապատման նշանակության օբյեկտներ, որը հակասում է ՀՀ «Հողային օրենսգրքի» 8-րդ հոդվածի պահանջներին:

- Արձանագրվել է դեպք, երբ «Դավթաշեն» ստորաբաժանման կողմից կատարվել է իրավունքի պետական գրանցում, սակայն սահմանված վճարումները կատարվել են պետական գրանցումից հետո:

- Ստորաբաժանման կողմից խախտվել են Կոմիտեի նախագահի 01.06.2007 թ. թիվ 6 հրամանի պահանջը՝ մի շարք կադաստրային գործերում չեն կարվել ընթացիկ հաշվառմամբ հայտնաբերված ինքնակամ շենք-շինությունների լուսանկարները:

- Որոշ դեպքերում, իրավունքի գրանցման վկայականները կազմվել են ՀՀ կառավարությանն առնթեր գույքի պետական միասնական կադաստրի վարչության պետի 22.07.1998թ. թիվ 135-Կ հրամանով հաստատված մեթոդական ցուցումների պահանջների խախտումներով՝ վկայականներում առկա ներդիրները չեն ստորագրվել և կնքվել:

- Արձանագրվել է 2 դեպք, երբ խախտվել է Կոմիտեի նախագահի 12.02.02թ. թիվ 90-Կ հրամանով հաստատված հրահանգի 7-րդ կետի պահանջները, այն է՝ վարձակալության է տրամադրվել շենքի տարածքի մի մասը՝ առանց նախապես փաստացի բաժանման և գրանցման:

- Մի շարք տնամերձ հողամասերում կառուցված ծածկերը դիտարկվել են ինքնակամ շինություններ և վկայականներում նշագծվել են որպես ինքնակամ, մինչդեռ ՀՀ կառավարության 02.02.2002թ. 91 որոշման պահանջների համաձայն անհատական բնակելի տների ներբակային տարածքներում կառուցված ծածկարաններն ընդգրկված են շինարարության թույլտվություն չպահանջող բարեկարգման աշխատանքների ցանկում:

- Արձանագրվել է դեպք, երբ առանց իրավահաստատող փաստաթղթերի առկայության ինքնակամ բացված թվով 4 պատուհաններն և թվով 2 դռները դիտարկվել են օրինական և ստացել պետական գրանցում:

- Ստորաբաժանման կողմից խախտվել է Կոմիտեի նախագահի 29.09.2008թ. թիվ 297-Ն հրամանով հաստատված սխալների ուղղման հրահանգի պահանջները, այն է՝ իրավունքի պետական գրանցումից հետո հայտնաբերված սխալը չի ուղղվել և գույքի նկատմամբ կատարվել է գրավի իրավունքի պետական գրանցում:

- Որոշ դեպքերում իրավունքի պետական գրանցման ժամանակ սեփականության վկայականներում բաց են թողնվել համասեփականատիրոջ տվյալները:

- Մեկ դեպքում նորակառույց շենք-շինության նկատմամբ իրավունքի գրանցման ժամանակ չի պահանջվել ՀՀ կառավարության 26.06.2003թ. 1205-Ն որոշմամբ նախատեսված իրավունքի պետական գրանցման համար հիմք հանդիսացող տեղեկանքը:

- Որոշ դեպքերում կադաստրի գնահատման համար անհրաժեշտ տեղեկատվության ոչ պատշաճ մակարդակի ապահովումը, մասնավորապես ուրվագծերում արտացոլված տվյալները թերի լրացնելը, ծավալների սխալ հաշվարկները հանգեցրել են կադաստրային սխալ գնահատման: Չափագրված և գրանցված շինությունները չեն գծագրվել հողամասի հատակագիծը բաժնում, իսկ որոշ դեպքերում դրանք գրանցվել են, սակայն դրանց նկատմամբ իրավունք չի գրանցվել:

- Գույքի նկատմամբ իրավունքների պետական գրանցման միանման գործերի համար ներկայացված փաստաթղթերը ստացել են տարբեր գնահատականներ, կիրառվել է երկակի ստանդարտ: Եթե մի դեպքում ստորաբաժանում ներկայացված փաստաթղթերը ընդունվել են հիմք և կատարվել է պետական գրանցում, մեկ այլ դեպքում նույն տարածքում գույքի պետական գրանցումը մերժվել է: Որոշ դեպքերում քաղաքացիների կողմից ներկայացված փաստաթղթերի հիման վրա սահմանված կարգով իրավունքների պետական գրանցում չի կատարվել, այլ անհիմն մերժվել է, որից հետո առանց որևէ լրացուցիչ փաստաթուղթ ներկայացնելու նույն տարածքի նկատմամբ կատարվել է իրավունքի պետական գրանցում:

- Մի շարք դեպքերում իրավունքների պետական գրանցման համար ֆիզիկական և իրավաբանական անձանց կողմից ներկայացվել են փաստաթղթեր, որոնք չեն համապատասխանել ՀՀ օրենսդրության պահանջներին, իսկ առանձին դեպքերում դրանք կազմվել է օրենքով սահմանված կարգին ոչ համապատասխան (մատիտով գրված, ջնջումներով, ուղղումներով, ինչպես նաև ոչ պատշաճ ձևակերպված փաստաթղթեր):

- Պետական գրանցման ժամանակ թույլ տրված սխալները առաջացրել են գույքի պատկանելիության, դրա նկատմամբ իրավունքների բնույթի, որակական և քանակական բնութագրի փոփոխություն:

- Շինությունների հարկման բազան որոշելու և ճշտելու համար իրականացված գույքի կադաստրային գնահատման աշխատանքների մի մասն իրականացվել են սխալներով, որի արդյունքում պակաս է հաշվարկվել շենքերի և շինությունների արժեքային և ֆիզիկական մեծություն, որը հանդիսանում է գույքահարկով հարկման բազա և որի հետևանքով համայնքային բյուջե պակաս գույքահարկ է հաշվարկվել և վճարվել:

- Բավարար չեն եղել աշխատանքներն՝ ուղղված գույքահարկով հարկման բազայի համալրմանը, գույքի հաշվառման ու տեղեկատվությունը այլ մարմիններին տրամադրելուն: Ուսումնասիրությամբ ընդգրկված «Դավթաշեն» տարածքային ստորաբաժանման կողմից տպասարկվող առանձին բնակավայրերում արժանագրվել են պետական գրանցում չստացած թվով 172 սեփական տներ, որոնք հիմնականում ունեն 80.0% և ավելի ավարտվածության աստիճան: Որպես հետևանք, գույքահարկի բազայից դուրս է մնացել շուրջ 3,800.0 մլն դրամ, որից համայնքային բյուջե յուրաքանչյուր տարի կգանձվեր շուրջ 10.0 մլն դրամ:

- 2010թ.-ին «Գեոդեզիայի և քարտեզագրության կենտրոն» ՊՈԱԿ-ին ՀՀ պետական մասշտաբային չարքի բազային տեղեկագրական քարտեզների ստեղծման և օդալուսանկարահանման աշխատանքներն իրականացնելու համար հավելյալ վճարվել է 3,076.0 հազ. դրամ, որը ենթակա է վերականգնման ՀՀ պետական բյուջե:

- Տեղագրական քարտեզագրման ու հողաշինարարական աշխատանքները, անշարժ գույքի գնահատման և դիվերսիայի գործունեության համար տրամադրված և հերթական պետական տուրք չվճարելու պատճառով կասեցված թվով 60 լիցենզիաների մասով ՀՀ պետական բյուջեի նկատմամբ պարտավորությունը կազմում է շուրջ 11,200 հազ. դրամ:

- 2011թ.-ին ստուգումների հաստատված ժամանակացույց չլինելու հիմնավորումով ՀՀ ԿԱԱԳ-ԿՊԿ աշխատակազմի գեոդեզիայի և հողային պետական տեսչությունը՝ հողային օրենսդրության պահանջների կատարման, հողամասերն ըստ նպատակային և գործառնական նշանակությամբ օգտագործելու, պետական և համայնքային սեփականություն հանդիսացող հողերի օտարման և օգտագործման տրամադրման նկատմամբ ստուգումներ չի իրականացրել:

- Անշարժ գույքի կադաստրի պետական կոմիտեի աշխատակազմի «Ճամբարակ» և «Ամասիայի» տարածքային ստորաբաժանումների գործունեությունն իրականացնելու համար ձեռք են բերվել ընդամենը 14,680.0 հազ. դրամ գումարի տարածքներ, որը անարդյունավետ ծախս է, քանի որ առ այսօր նշված ստորաբաժանումները գործունեություն են իրականացնում վարձակալած տարածքներում՝ տարեկան ընդամենը 151.5 հազ. դրամ վարձավճարով: Հարկ է նշել նաև, որ «Ամասիայի» տարածքային ստորաբաժանումն իր կողմից վարձակալած տարածքում 2010թ.-ին կատարել է 6,846.6 հազ. դրամի ընթացիկ վերանորոգման, գազաֆիկացման և ջեռուցման աշխատանքներ:

Առաջարկություններ

ՀՀ կառավարությանն առընթեր անշարժ գույքի կադաստրի պետական կոմիտեին՝

- Ձեռնարկել միջոցառումներ արժանագրված թերությունները, խախտումները և անհամապատասխանությունները վերացնելու, քաղաքացուն և իրավաբանական անձանց, պետական և համայնքային բյուջեներին հասցված վնասը վերականգնելու ուղղությամբ:

- Խստորեն հետևել գույքի նկատմամբ իրավունքի պետական գրանցումների իրականացման գործընթացի համապատասխանությանը՝ ոլորտը կանոնակարգող օրենսդրության պահանջերին:
- Այսուհետ, ՀՀ ԿԱԱԳ-ԿՊԿ աշխատակազմի գեղեցիկայի և հողային պետական տեսչության կանոնադրական խնդիրներն իրականացնելու մպատակով, յուրաքանչյուր տարվա համար հաստատել ստուգումների ժամանակացույց:
- Քննարկել, օրենսդրական խախտումներ կանխելու/վերացնելու մպատակով չիրականացված գործառույթների համար պատասխանատու համապատասխան պաշտոնատար անձանց՝ ՀՀ օրենսդրությամբ սահմանված կարգով պատասխանատվության ենթարկելու հարցը:
- Ձեռնարկել միջոցներ վճարման/վերականգնման ենթակա միջոցների մուտքը պետական բյուջե ապահովելու ուղղությամբ:

Վերականգնման/վճարման ենթակա գումարները փոխանցել ՀՀ ֆինանսների նախարարության կենտրոնական գանձապետարան ՀՀ վերահսկիչ պալատի անվամբ բացված թիվ 900005281515 «Պետությանը պատճառված վնասների փոխհատուցումից մուտքեր» հաշվին, ինչպես նաև այլ եկամտային հաշվին՝ նշելով 96 կոդը:

«Վերահսկիչ պալատի մասին» ՀՀ օրենքի 24-րդ հոդվածի 2-րդ մասի գ) կետի համաձայն մեկամսյա ժամկետում Վերահսկիչ պալատին գրավոր տեղեկատվություն տրամադրել ընթացիկ հաշվետվությունում ամրագրված՝ հայտնաբերված խախտումները վերացնելու վերաբերյալ:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԸՆԹԵՐ
ԱՆՇԱՐԺ ԳՈՒՅՔԻ ԿԱԴԱՍՏՐԻ ՊԵՏԱԿԱՆ ԿՈՄԻՏԵ

ՆԱԽԱԳԱՀ

375023, ք. Երևան, Արշակունյաց 7
☎ + (3741) 587828
ֆաքս + (3741) 526562

№ _____

Ձեռ _____ առ _____

Հայաստանի Հանրապետության
կառավարության աշխատակազմի
ղեկավար պարոն Դ. Սարգսյանին

Հարգելի պարոն Սարգսյան

Ի կատարումն Հայաստանի Հանրապետության վարչապետի 2008 թվականի մայիսի 4-ի <<Հայաստանի Հանրապետության վերահսկիչ պալատի հաշվետվությունների քննարկման ընթացակարգի և Հայաստանի Հանրապետության վարչապետի 2005 թվականի հուլիսի 8-ի N 507 որոշումն ուժը կորցրած ճանաչելու մասին>> թիվ 225-Ա որոշմամբ սահմանված պահանջների և 2012 թվականի փետրվարի 27-ի թիվ 02/23.14/2449-12 հանձնարարականի, Ձեզ է ներկայացվում ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի տարածքային ստորաբաժանումների (ընտրանքային) կողմից գույքի նկատմամբ իրավունքների պետական գրանցման գործընթացի իրականացման օրինականության և արդյունավետության իրականացված վերահսկողության արդյունքների վերաբերյալ բացատրությունները:

Առդիր 8 թերթ:

Հարգանքով կոմիտեի նախագահի ժ/պ՝

Ա. Մուսայան

Կատարող՝
Ֆինանսատնտեսագիտական
վարչություն
56-59-12

Տեղեկանք

ՀՀ կառավարությանն առընթեր անշարժ գույքի կադաստրի պետական կոմիտեի աշխատակազմի տարածքային ստորաբաժանումների (ընտրանքային) կողմից գույքի նկատմամբ իրավունքների պետական գրանցման գործընթացի իրականացման օրինականության և արդյունավետության նկատմամբ ՀՀ վերահսկիչ պալատի վերահսկողության արդյունքների վերաբերյալ կոմիտեի կողմից ներկայացվող բացատրությունների մասին

1. Լիցենզավորման գործընթացի վերաբերյալ

Համաձայն ներկայացված տեղեկատվության 2010թ. տարեսկզբին գործողության մեջ են գտնվել 325 լիցենզիաներ, տարվա ընթացքում 78 նոր լիցենզիաներ են տրամադրվել, իսկ լիցենզավորման պայմանների խախտման և պետական տուրքը չվճարելու պատճառով դադարեցվել են 36-ը: Պետական տուրքի հաշվարկման և գանձման գործընթացն ուսումնասիրելիս պարզվեց, որ վճարումներն ուշացնելու համար ֆիզիկական և իրավաբանական անձանց նկատմամբ կիրառվել է նաև <<Պետական տուրքի մասին>> ՀՀ օրենքի 35-րդ հոդվածով սահմանված դրույթը՝ չգանձված պետական տուրքի ժամկետանց յուրաքանչյուր օրվա դիմաց 0.5% տույժի կիրառման վերաբերյալ և սույն ուսումնասիրությամբ ընդգրկված ժամանակահատվածում 770.0 հազ. դրամ տույժի գումար է գանձվել: Ինչ վերաբերվում է լիցենզիաների կասեցման գործընթացին, ապա 2009 և 2010թթ. ընթացքում վերոնշյալ պատճառներով այն կիրառվել է 60 անգամ, որից տեղագրական քարտեզագրման և հողաշինարարական աշխատանքների՝ 15, անշարժ գույքի գնահատման համար՝ 11 և ռիելթորական գործունեության համար՝ 34 անգամ: Սակայն <<Պետական տուրքի մասին>> ՀՀ օրենքի 6-րդ հոդվածի համաձայն՝ լիցենզիայի, արտոնագրի կամ թույլտվության գործողությունը ՀՀ օրենսդրությամբ սահմանված կարգով կասեցնելու դեպքում հերթական տարեկան պետական տուրքերի գումարները ենթակա են վճարման՝ անկախ գործողության կասեցման հիմքերից և ժամկետներից: Ընդհանուր առմամբ իրավաբանական և ֆիզիկական անձանց թվով 60 լիցենզիաների մասով առկա են 11.200.0 հազ. դրամ գումարով պարտավորություններ, որի շուրջ 41.5%-ը կամ 4.650.0 հազ. դրամը գոյացել է տեղագրական քարտեզագրման և

հողաշինարարական աշխատանքների իրականացման համար տրված լիցենզիաների համար պետական տուրքի գծով առկա պարտավորություններից (4, 5 և 6-րդ հավելվածներ): <<Լիցենզավորման մասին>> ՀՀ օրենքում փոփոխություններ և լրացումներ կատարելու մասին>> 08.12.2010թ. ընդունած ՀՕ-227 ՀՀ օրենքի համաձայն (ուժի մեջ է 01.01.2011թ.-ից), տեղագրական քարտեզագրման ու հողաշինարարական աշխատանքների և ռիելթորական գործունեության իրականացումը հետայսու չեն համարվել լիցենզավորման ենթակա գործունեության տեսակներ:

Կադաստրի կոմիտեի կողմից լիցենզիաները տրվում են միայն դրանց համար <<Պետական տուրքի մասին>> ՀՀ օրենքով սահմանված պետական տուրքերը վճարված լինելու դեպքում: Յուրաքանչյուր տրամադրված լիցենզիա կոմիտեի լիցենզավորման բաժնի կողմից գրանցվում է լիցենզիաների գրանցամատյանում և իրականացվում է հսկողություն օրենքով սահմանված ժամկետում լիցենզիաների տարեկան պետական տուրքերի հերթական վճարումների նկատմամբ: <<Պետական տուրքի մասին>> ՀՀ օրենքով սահմանված ժամկետում լիցենզիայի տարեկան պետական տուրքը չվճարելու դեպքում, համաձայն <<Լիցենզավորման մասին>> ՀՀ օրենքի 36-րդ հոդվածի 1-ին մասի 11-րդ կետի՝ լիցենզիայի գործողությունը կասեցվում է: Նույն հոդվածի 2-րդ մասի համաձայն՝ լիցենզիայի գործողության կասեցման ժամկետ է համարվում մինչև խախտման պատճառի վերացումը:

Կասեցված լիցենզիաների տարեկան պետական տուրքերի գանձման, իսկ անհրաժեշտության դեպքում նաև դատական կարգով բռնագանձման աշխատանքները, ինչպես նաև պետական տուրքի հաշվարկման և գանձման կարգի պահպանման նկատմամբ վերահսկողությունն իրականացնում է հարկային մարմինը՝ համաձայն 29.11.1997թ. ՀՀ կառավարության թիվ 547 որոշման: Այդ նպատակով ՀՀ կառավարության 2002 թվականի հունիսի 3-ի <<Պետական տուրքի մասին>> Հայաստանի Հանրապետության օրենքի կիրարկումն ապահովող միջոցառումների մասին>> թիվ 674 որոշմամբ սահմանվել են լիցենզավորող մարմինների կողմից հարկային մարմիններին տեղեկատվություններ տրամադրելու ձևեր: Համաձայն սահմանված ձևերի՝ կադաստրի կոմիտեն յուրաքանչյուր ամսվա համար, նույն որոշմամբ սահմանված ժամկետում՝ մինչև այդ ամսվան հաջորդող ամսվա 15-ը, ներկայացրել է լիցենզիաների տրամադրման, վերաձևակերպումների, դադարեցումների և կասեցումների

վերաբերյալ տեղեկատվություն: Տրամադրված տեղեկությունների հիման վրա տարեկան պետական տուրքի գծով ժամկետանց պարտավորությունները հաշվառվում են հարկային մարմիններում, որոնք միաժամանակ իրականացնում են նաև տվյալ լիցենզիաների պետական տուրքի գումարների (հաշվարկված տույժերի հետ միասին) գանձումը, իսկ անհրաժեշտության դեպքում նաև դատական կարգով բռնագանձումը:

Ինչ վերաբերվում է վերահսկիչ պալատի հանձնաժողովի կողմից նշված 2009-2010թթ. ընթացքում տարեկան պետական տուրքը չվճարելու պատճառով 60 լիցենզիաների գործողության կասեցմանը և դրա հետևանքով առաջացած իրավաբանական և ֆիզիկական անձանց ընդհանուր առմամբ 11.200.0 հազ. դրամի պարտավորությանը, ապա հարկ է նշել, որ հիշյալ ժամանակահատվածում կասեցվել է 35 լիցենզիաների գործողություն, այդ թվում՝ տեղագրական քարտեզագրման ու հողաշինարարական աշխատանքների իրականացման 1, անշարժ գույքի գնահատման՝ 8 և ռիելթորական գործունեության՝ 26: Կասեցումների վերաբերյալ տեղեկատվությունները օրենսդրությամբ սահմանված կարգով նույնպես ներկայացվել են հարկային մարմիններին, իսկ իրավաբանական և ֆիզիկական անձանց պարտավորությունը կազմել է 3.450.0 հազ. դրամ:

Հատկանշական է, որ հարկային մարմինների ձեռնարկած միջոցառումների արդյունքում այդ նույն 35 կասեցված լիցենզիաներից 10-ի համար 2009-2011թթ. ժամանակահատվածում կատարվել են պետական տուրքի վճարումներ՝ ընդհանուրը 905.550 դրամի չափով:

2. Կոմիտեի աշխատակազմի <<Դավթաշեն>> տարածքային ստորաբաժանման վերաբերյալ

Որոշման <<Եզրակացություն>> բաժնում նշվել է, որ <<Բավարար չեն եղել աշխատանքներն՝ ուղղված գույքահարկով հարկման բազայի համալրմանը, գույքի հաշվառման ու տեղեկատվությունը այլ մարմիններին տրամադրելուն: Ուսումնասիրությամբ ընդգրկված <<Դավթաշեն>> տարածքային ստորաբաժանման կողմից սպասարկվող առանձին բնակավայրերում արձանագրվել են պետական գրանցում չստացած թվով 172 սեփական տներ, որոնք հիմնականում ունեն 80.0% և ավելի ավարտվածության աստիճան: Որպես հետևանք, գույքահարկի բազայից դուրս է մնացել

շուրջ 3.800.0 մլն դրամ, որից համայնքային բյուջե յուրաքանչյուր տարի կգանձվեր շուրջ 10.0 մլն դրամ>>:

Նշվածը հիմնավորվել է այն հանգամանքով, որ ՀՀ կառավարության առընթեր կադաստրի պետական կոմիտեի կողմից ՀՀ օրենսդրությամբ սահմանված կարգով չի հաշվառվել Դավթաշեն վարչական շրջանի սահմաններում գտնվող թվով 172 բնակելի տները, դրանք չի գնահատվել և համապատասխան տեղեկատվություն չի տրամադրվել համայնքի ղեկավարին:

Նշված եզրահանգումը ընդունելի չէ, քանի որ.

ա)ՀՀ կառավարության 30.06.1997թ. <<Հայաստանի Հանրապետության անշարժ գույքի պետական միասնական կադաստրի վարչություն ստեղծելու և անշարժ գույքի պետական միասնական կադաստր վարելու մասին>> թիվ 234 որոշման 4-րդ կետի համաձայն անշարժ գույքի պետական միասնական կադաստրի վարմանն աջակցելու նպատակով համայնքների վարչական սահմաններում գտնվող հողերի, ամրակայված գույքի ընթացիկ հաշվառումը իրականացնում են տեղական ինքնակառավարման մարմինները:

բ)ՀՀ կառավարության 22.10.1997թ. <<Անշարժ գույքի պետական միասնական կադաստրի վարման կարգի և անշարժ գույքի համակարգված դիտարկումների(մոնիտորինգ) իրականացման մասին>> թիվ 465 որոշմամբ հաստատված անշարժ գույքի հաշվառման կարգով սահմանվել է, որ անշարժ գույքի վերաբերյալ կադաստրային տվյալների պարբերաբար ճշտման և թարմացման նպատակով անշարժ գույքի հաշվառումը նախատեսում է՝ սկզբնական հաշվառում և ընթացիկ հաշվառում: Անշարժ գույքի պետական միասնական կադաստր վարող մարմնի կողմից համայնքներին տրամադրվում է հաշվառման գրքերում լրացված սկզբնական հաշվառման տվյալները, որոնց հիման վրա համայնքների ղեկավարները անշարժ գույքի պետական միասնական կադաստրի վարմանն աջակցելու նպատակով իրականացնում են անշարժ գույքի ընթացիկ հաշվառումը:

Նույն կարգի 16-րդ կետով սահմանվել է, որ անշարժ գույքի հաշվառումն ընդգրկում է նաև անշարժ գույքի գույքագրումը: Անշարժ գույքի գույքագրումն ըստ անշարժ գույքի տեսքերի ու տեսակների, կատարվում է սկզբնական հաշվառման տվյալների հիման վրա՝ անշարժ գույքի պետական միասնական կադաստրի տվյալների թարմացման նպատակով:

Նշվածը ամրագրվել է նաև <<Տեղական ինքնակառավարման մասին>> ՀՀ օրենքի 37-րդ հոդվածում, համաձայն որի համայնքի ղեկավարը սահմանված կարգով վերահսկողություն է իրականացնում շենքերի ու շինությունների նպատակային օգտագործման և պահպանման նկատմամբ, իրականացնում է համայնքային սեփականություն համարվող շենքերի ու շինությունների հաշվառումը և բաշխումը, կազմում է սեփականության ամենամյա գույքագրման փաստաթղթերը:

ՀՀ կառավարության առընթեր անշարժ գույքի կադաստրի պետական կոմիտեն անշարժ գույքի սկզբնական հաշվառման տվյալները ՀՀ օրենսդրությամբ սահմանված կարգով տրամադրել է համայնքներին:

գ)ՀՀ կառավարության 27.07.2000թ. << Ինքնակամ կառուցված շենքերը, շինությունները, ինքնակամ զբաղեցված հողամասերը, տիրազուրկ(լքված) անշարժ գույքը հաշվառելու մասին>> թիվ 422 որոշման 2-րդ կետով ՀՀ կառավարությանն առընթեր անշարժ գույքի կադաստրի պետական կոմիտեին հանձնարարվել է մինչև 2001 թվականի մայիսի 15-ը ավարտել ինքնակամ կառուցված շենքերի, շինությունների, ինքնակամ զբաղեցված հողամասերի, տիրազուրկ (լքված) անշարժ գույքի հաշվառման աշխատանքները:

Որոշմամբ հաստատված ինքնակամ կառուցված շենքերի, շինությունների, ինքնակամ զբաղեցված հողամասերի, տիրազուրկ (լքված) անշարժ գույքի հաշվառման կարգի 7-րդ կետով սահմանվել է, որ հաշվառման աշխատանքներն ավարտելուց հետո համապատասխան համայնքի ղեկավարի և կոմիտեի տարածքային ստորաբաժանման միջև կազմվում է ակտ՝ նշելով հաշվառված ինքնակամ կառուցված շենքերի, շինությունների, ինքնակամ զբաղեցված հողամասերի թիվը՝ դասակարգված ըստ նպատակային և գործառական նշանակության:

ՀՀ կառավարության 27.07.2000թ. թիվ 422 որոշման 2-րդ կետի և նշված կարգի 7-րդ կետի պահանջները ՀՀ կառավարությանն առընթեր անշարժ գույքի կադաստրի պետական կոմիտեի կողմից կատարվել են:

Սկզբնական հաշվառման աշխատանքները ավարտելուց հետո, կարգի 12-րդ կետի համաձայն ընթացիկ հաշվառումն իրականացնում է համայնքի ղեկավարը, որը ինքնակամ կառուցված շենքերի, շինությունների, ինքնակամ զբաղեցված հողամասերի քանակական և որակական փոփոխություններ, օգտագործման, նպատակային նշանակության, օգտագործողների (տիրապետողների) փոփոխություններ

հայտնաբերելուց հետո 5-օրյա ժամկետում տեղեկացնում է ՀՀ կառավարությանն առընթեր անշարժ գույքի կադաստրի պետական կոմիտեի համապատասխան տարածքային ստորաբաժանմանը՝ դրանք սահմանված կարգով հաշվառելու համար:

ՀՀ կառավարությանն առընթեր անշարժ գույքի կադաստրի պետական կոմիտեի տարածքային ստորաբաժանումները՝ կարգի 13-րդ կետի համաձայն կադաստրային քարտեզագրման աշխատանքների իրականացման, գույքի նկատմամբ իրականացվող գործարքներից ծագող իրավունքների պետական գրանցման, տեղեկատվության տրամադրման ժամանակ հայտնաբերված ինքնակամ կառուցված շենքերի, շինությունների, ինքնակամ զբաղեցված հողամասերի մասին տեղեկատվությունը ինքնակամ կառուցված շենքերի, շինությունների, ինքնակամ զբաղեցված հողամասերի հաշվառման մատյանում գրանցելուց հետո 5-օրյա ժամկետում տեղեկացնում են համապատասխան համայնքի ղեկավարին:

դ)ՀՀ կառավարության 29.05.2003թ. <<Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի տարածքային ստորաբաժանումներին Հայաստանի Հանրապետության տեղական ինքնակառավարման մարմինների կողմից գույքահարկով հարկվող օբյեկտ համարվող շենքերի, շինությունների ընթացիկ հաշվառման մասին տեղեկատվություններ կերկայացնելու կարգը հաստատելու մասին>> թիվ 680-Ն որոշմամբ սահմանվել է ՀՀ կառավարությանն առընթեր անշարժ գույքի կադաստրի պետական կոմիտեի տարածքային ստորաբաժանումներին Հայաստանի Հանրապետության տեղական ինքնակառավարման մարմինների կողմից կազմակերպությունների և ֆիզիկական անձանց՝ սեփականության իրավունքով գրանցված, ինչպես նաև «Ինքնակամ կառուցված շենքերի, շինությունների և ինքնակամ զբաղեցված հողամասերի իրավական կարգավիճակի մասին» Հայաստանի Հանրապետության օրենքի հիման վրա սեփականության իրավունքը ճանաչված, գույքահարկով հարկվող օբյեկտ համարվող, ներառյալ Հայաստանի Հանրապետության կառավարության կողմից սահմանված կարգով բնութագրվող անավարտ, կիսակառույց շենքերի, շինությունների ընթացիկ հաշվառման մասին տեղեկություններ ներկայացնելու կարգը:

Համաձայն նշված կարգի տեղական ինքնակառավարման մարմինները ՀՀ կառավարությանն առընթեր անշարժ գույքի կադաստրի պետական կոմիտեի

տարածքային ստորաբաժանումներ են ներկայացնում գնահատման (վերագնահատման) տարվա հուլիսի 1-ի դրությամբ գրանցված տվյալների համեմատությամբ կազմակերպությունների և ֆիզիկական անձանց՝ սեփականության իրավունքով գրանցված, ինչպես նաև «Ինքնակամ կառուցված շենքերի, շինությունների և ինքնակամ զբաղեցված հողամասերի իրավական կարգավիճակի մասին» Հայաստանի Հանրապետության օրենքի հիման վրա սեփականության իրավունքը ճանաչված, գույքահարկով հարկվող օբյեկտ համարվող, ներառյալ Հայաստանի Հանրապետության կառավարության կողմից սահմանված կարգով բնութագրվող անավարտ, կիսակառույց շենքերի, շինությունների մասին տեղեկություններ:

ՀՀ կառավարությանն առընթեր անշարժ գույքի կադաստրի պետական կոմիտեի տարածքային ստորաբաժանումները ստացված տեղեկությունների հիման վրա իրականացնում են շենքերի, շինությունների գնահատություններ, որոնց մասին տեղեկությունները առ այսօր ՀՀ կառավարության 22.05.2003թ. <<Գույքահարկով հարկվող օբյեկտ համարվող շենքերի և շինությունների ու դրանց գնահատությունների, ինչպես նաև փոխադրամիջոցների վերաբերյալ տեղեկությունների ներկայացման կարգը սահմանելու մասին>> թիվ 641 որոշմամբ սահմանված կարգով ներկայացվում են գույքահարկ վճարողների հաշվառող մարմին:

Հաշվի առնելով վերոգրյալը, ՀՀ վերահսկիչ պալատի խորհրդի կողմից 2012 թվականի փետրվարի 10-ին հաստատված որոշման մեջ նշված՝ Երևան քաղաքի Դավթաշեն վարչական շրջանի սահմաններում գտնվող թվով 172 բնակելի տները կարող էր հաշվառվել և գնահատվել, դրանց վերաբերյալ համայնքից ՀՀ կառավարության 22.05.2003թ. թիվ 641 որոշմամբ սահմանված կարգով տեղեկատվություն ստանալու կամ այդ բնակելի տների իրավատերերի կողմից սահմանված կարգով ՀՀ կառավարության առընթեր կադաստրի պետական կոմիտեի կադաստր պետական կոմիտե դիմելու դեպքում:

Տեղեկացվում է նաև, որ «Գույքի նկատմամբ իրավունքների պետական գրանցման մասին Հայաստանի Հանրապետության օրենքում փոփոխություն կատարելու մասին>> Հայաստանի Հանրապետության ՀՕ-247-Ն օրենքի ընդունմամբ, սահմանված կարգով ուժը կորցրած է ճանաչվել ՀՀ կառավարության 27.07.2000թ. թիվ 422 որոշումը և 22.10.1997թ. թիվ 465 որոշման 1-ին կետը, ինչպես նաև 4-րդ կետի «ա», «բ», «գ» ենթակետերը

և դրանցով հաստատված անշարժ գույքի հաշվառման, անշարժ գույքի կադաստրային գնահատման իրականացման, անշարժ գույքի պետական գրանցման կարգերը:

3. Գեոդեզիայի և հողային պետական տեսչության կողմից 2010թ. իրականացված աշխատանքների վերաբերյալ

Արձանագրված թերություններից հետո Գեոդեզիայի և հողային պետական տեսչությունը արդեն իսկ սկսել է աշխատանքներ հետևյալ ուղղություններով՝

ա) Համաձայն <Հողերի օգտագործման և պահպանման նկատմամբ վերահսկողության մասին> ՀՀ օրենքի 7-րդ հոդվածի 1-ին կետի, ՀՀ տարածքային կառավարման նախարարության համաձայնեցմանն է ներկայացվել տեսչության կողմից 2012թ. ՀՀ մարզերում տեսչական ստուգումների անցկացման ժամանակացույցը.

բ) Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի նախագահի հաստատմանն է ներկայացվել ՀՀ նախարարությունների և գերատեսչությունների համակարգերում ու գեոդեզիական և քարտեզագրական գործունեության ոլորտում 2012 թվականին իրականացվելիք պետական վերահսկողական աշխատանքների ժամանակացույցը

գ) տեսչության կողմից մշկվել և տեսչական բարեփոխումների հանձնաժողովին է ներկայացվել ՀՀ օրենսդրությամբ նախատեսված տեսչական ստուգումների տարեկան ծրագիրը:

դ) տեսչության կողմից մշկվել է հարցաշար տեսչական ստուգումների վերաբերյալ

ե) տեսչական ստուգումների տարեկան ծրագիրը և ժամանակացույցերը տեղադրված են ՀՀ կառավարությանն առընթեր անշարժ գույքի կադաստրի պետական կոմիտեի ինտերնետային կայք էջում :

զ) Հայաստանի Հանրապետության կառավարության 2009 թվականի դեկտեմբերի 24-ի <Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի աշխատակազմի գեոդեզիայի և հողային պետական տեսչության կանոնադրությունը հաստատելու մասին> N 1512-Ն որոշման մեջ կատարվել են մի շարք փոփոխություններ և լրամշակված նախագիծը ներկայացվել է սահմանված կարգով հաստատման:

4. Կոմիտեի ստորաբաժանումների կողմից զբաղեցված տարածքների վերաբերյալ

08.11.2010թ-ին կադաստրի պետական կոմիտեի կողմից ք. Ճամբարկի Լեռնի նրբ. Թիվ 2 հասցեում ձեռք է բերվել 70.02քմ. շինություն և 84 քմ հողամաս: Կոմիտեի համակարգում իրականացված բարեփոխումների արդյունքում աշխատողներ թվաքանակի կրճատման և արխիվը մարզային ստորաբաժանում տեղափոխման հետևանքով նշված տարածքի վերանորոգումը և հետագա օգտագործումը դարձել է ոչ նպատակահարմար: Ներկայումս կոմիտեում քննարկվում է ձեռք բերված տարածքի հետագա օգտագործման հարցը:

Կադաստրի պետական կոմիտեի կողմից գ. Ամասիայի 25 փողոց, շենք 1/2 հասցեում ձեռք է բերվել 251քմ. շինություն և 870քմ. հողամաս: Նոր ձեռք բերված տարածքը չի շահագործվում, քանի որ հիմնական վերանորոգման համար կպահանջվեր անհամեմատ շատ ֆինանսական միջոցներ, որի պատճառով որոշվեց <<Ամասիա>> տարածքային ստորաբաժանման գործունեությունը շարունակել իրականացնել վարձակալված տարածքում:

5. <<Գեոդեզիայի և քարտեզագրության կենտրոն>> ՊՈԱԿԻ կողմից քարտեզների ստեղծման և օդալուսանկարահանման վերաբերյալ

Բյուջեի պարտքը՝ գումարով 3 076.0 հազար դրամ, ըստ հաստատված ժամանակացույցի կփոխանցվի բյուջե 2012 թվականի 3-րդ եռամսյակում: